



सानसेयारि बड'सा

सानसेयारि **"बड'सा"** खरीरालाइयाव
खमाजयारि जिउजो लोब्बा थानाय रायथाय, खन्थाय,
खल', खल'बाथा आरो दावबायारि थावनि, पार्क
बाइदिनि स्यायव लिन्नाय लिन्दिबां हैथाय ठर/
सानसेयारि **"बड'सा"** खरीरालाइया सेबखानाबै
फोसावगोन/
बड'सायाव लिन्दिन्नायनि हुदा खालाम,
"बड'सा" खरी नोथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA★A Bodo News Daily★Friday★17 October, 2025 Kokrajhar, BTC, Assam★Vol.-35, Issue No. 202★R.N.I.Regd.No.40994/91, Assam Govt. Regd.No.IPRD. 40/2006/3, Rs.8/-

फैगौ बोसोरआव गोदान दिल्लीआव बिहु, झुमुर आरो बागुरुम्बा मोसानायखौ दिन्थिफुंगोन: ड॰ हिमन्त बिश्व शर्मा

दिसपुर, 16 अक्टूबर: गिबि
मन्थि ड॰ हिमन्त बिश्व शर्माआ
दिनै खानापाराआव थानाय
भेटेरिनारि कलेजनि गेलेग्रा
फोथाराव खुं नाय मोनसे
हाबाफारियाव बाहागो लानानै
बुडोदि, झुमुर बिनन्दनीआव
बाहागो लानाय मोसागिरिफोर,
फोरोंगिरि आरो कमिटिनि
सोद्रोमाफोरनो मान बान्थाजों
लोगोसे रां होनाय हाबाफारिखौ
जागायो आरो मोसागिरिफोरनि
रेंगौथिनि फोरमान बिलाइबो



होनाय जायो। मख'नो गोनांदि,
जर'खा कमिटिनि सा 29
सोद्रोमाफोर, 7,536
मोसागिरिफोर आरो सा 358
फोरोंथाइ होग्राफोरनो एबा
मास्टर ट्रेनारफोरनो थानाय 24
फेब्रुवारिआव अजुन भगेस्वर
बरुवा, गेलेमु बिथांखियाव
गाहाइ मन्थि नरेन्द्र मदिनि
नुजाथिनायाव झुमुर बिनन्दनी
हाबाफारिखौ मोजाडै-मोजां
दिन्थिफुं दोमोन। दिनैनि बे
(□ 6 बिलाइआव)

कचुगाव गथ'सा जौगाखां बिथांखिनि बान्जायनायाव 8 थि नेसनेल निउट्रेसन मान्ट हाबाफारिखौ खुंफुंदों



गसाइगाव, 16 अक्टूबर: कक्राझार जिल्लानि सिडाव थानाय
कचुगाव गथ'सा जौगाखां बिथांखिनि बान्जायनायाव थानाय
सेप्टेम्बर दाननिफ्राय दानसेनाडै नेसनेल निउट्रेसन मान्ट-2025
हाबाफारिया दिनै जोबनानै फैबाय। मख'नो गोनांदि, कक्राझार
जिल्लानि बेंखनाव थानाय गसाइगावनि भमराबिल भवनआव खुं नाय
पसन दान जोबथारनाय हाबाफारियाव निउट्रेसन गोनां जाग्रा आदार
दिन्थिफुं नाय आरो सांग्राथियारि हाबाफारि खुं नाय जायो। बे
हाबाफारियाव कचुगाव आइसिडिएस (□ 6 बिलाइआव)

रुंसारि गागि देंखोगिरि जुबिन गार्ग थेनायनि सायाव नायबिजिरनो थाखाय फास्टट्रेक आदालत दानो थाखाय केबिनेटआ थांखि लादों

दिसपुर, 16 अक्टूबर: गिबि
मन्थि ड॰ हिमन्त बिश्व शर्मानि
मासि सामलायनायाव दिनै
दिसपुरआव थानाय लकसेवा
भवनआव थानाय कनपारेन्स
हलआव आसाम मन्थि
आफादिनि मोनसे केबिनेट
जथुम्मा खुं नाय जायो। बे
जथुमआव माखासे गोनांथार
आयदाफोरनि सायाव
सावरायनानै माखासे
थांखिफोरखौ आजावनाय जायो।
बेफोर जादों फारियै- (1)
दिनैनि केबिनेट जथुम्मायाव
आसाम भेलि पार्टिलाइजार एन्ड
के मिके ल कम्पानी



लिमिटेडआव 1272.09 कौटि
रांनि इकुइटि थिसन्थाइखौ
गनायथि होनाय जायो। बे
फसंथानआ नामरुप ब्रह्मपुत्र
बेलि पार्टिलाइजार कपरसन

गरेस्वर, 16 अक्टूबर: 29 नं
सुकलाइ सेरफां बियाबनिफ्राय
बिपिएफ दोलोनिफ्राय देहासार
जालानाय एमसिएलए बिथांखौ
बराइदों। बेनि अनगायैबो
बिथाड 29 नं सुक्लाइ सेरफां
बियाबनिफ्राय एमसिएलए माहै
देरहासार जानानै बिटिसि
सरकारआव दै बोखाव
(इरिगेसन) बिफाननि मावफुं
सोद्रोमा मोननो हानायखौ दिनै
ओन्सोलनि राइजो-राजाफोरा
बेनपाटि, पटका आरो गोबां
आर'नाइ गानहोनानै बराइदों
मावफुं सोद्रोमा गनेश कशारि
बिथांखौ। दिनैनि बे बराइनायखौ
मावफुं सोद्रोमा गनेश कशारि
बिथाड सुक्लाइ सेरफां बियाबनि



राइजो-राजाखौ साबाइख'र
बावनायजों लोगोसे गोजोन्नाय
फोरमायदों। बेनि अनगायैबो
मावफुं सोद्रोमा गनेश
कशारिआ बिटिसिनि चिफ
हाग्रामा महिलारी बिथाड
बिसाइख'थि समाव मावफुं

सोद्रोमा होनाय जागोन होन्नानै
खोथा होनाय बायदि दै बोखाव
बिफाननि मावफुं सोद्रोमा
होनायखौ गोजोन्नाय
फोरमायदों एम बिथाड। बेजों
लोगोसे दै बोखाव बिफाननि
मावफुं सोद्रोमा बिथाड

बुंथिबावदोंदि, बिफानि मावफुं
सोद्रोमाखौ जेबो खौरां होया
लासिनो सुक्लाइ दै बोखाव
मिरु आरो गरेस्वर दै बोखाव
मिरुजों लोगोसे गोबां
(□ 6 बिलाइआव)

मर्नि ग्लरी सरुपेता चलेन्ज टी-20 क्रिकेट बादायलायनायाव गुवाहाटी अंकरज्यति क्लाबनि देरहासाद

भबानिपुर, 16 अक्टूबर: सरुपेता क्रिकेट क्लाबनि
बान्जायनायाव ओन्सोलनि बिपिएसबि फरायसालिमानि गेलेग्रा
फोथाराव जाबाय थानाय मर्नि ग्लरी सरुपेता चलेन्ज टी-20,
2025 इन्टर क्लाब क्रिकेट बादायलायनायनि दिनैनि गिबि
खेब कावार्टर फाइनल गेलेनायाव गुवाहाटीनि अंकरज्यति
क्लाबआ देरहासाद जानो हायो। मख'नो गोनांदि, अंकरज्यति
क्लाबआ गिबि खेबनि बेटि खालामो। गोखों गेलेगिरि सिमान्त
रायनि गोखों गेलेनायजों 103 रान खालामनो हानानै मोनब्रै
उइकेट लानो हादोंमोन। थिखानाय 20 अभारआव सा 4 उइकेट
खोमानानै 210 रान लानो हादोंमोन। बेराफासेथि बेरेखा हान्जाया
सिलिगुरिनि सुरज इन्स्टिटुट अफ क्रिकेटआ 20 अभारआव
सा 9 उइकेट खोमानानै 149 रानल' खालामनो हानानै जेन्नायजों
मोगा-मोगि जायो। मख'नो गोनांदि, फैगौ 18 खालारआव
नैथि कवार्टर फाइनलआ सरुपेतानि शिकाइ ब्रिजासं आरो तिहुनि
दा पेलकन्सरजों मोगा-मोगि गेलेगोन।□

सावन्नि आरो सुबुं अन्साय बिफाननि मन्थि अशक सिंगालआ गुवाहाटी सेन्ट्रल बिधान सभाआव गेदेशार सावन्नि बादाखौ बेखेवना होयो



दिसपुर, 16 अक्टूबर: 2025
इ माइथायाव आसाम सरकारआ
सावन्नि आरो सुबुं अन्साय
बिफाननि बान्जायनायाव

समाजनि गासैबो थाखोनि
सुबुंफोरनि थाखाय खम
बेसेनआवनो सावन्नि सिबिथाइ
होनायनि थांखिजों थानाय 18

सेप्टेम्बरनिफ्राय राइज्योनि
दरफोमबो बिधान सभा
बियाबआव गेदेशार सावन्नि
बादा हाबाफारि लानाय जादों।
बे बिथांखिनि मोनसे बाहागो
महैर दिनै कामरुप नोगोरमायाव
जिल्ला खुंथाइ आरो जिल्ला
सावन्नि कमिटिनि जुथायै
बान्जायनायाव आर्य बिद्यापीठ
फरायसालिमानि गेलेग्रा
फोथाराव खुं नाय गेदेर सावन्नि
सिबिथाइ होनाय हाबाफारिजों
बेखेवना होयो सावन्नि आरो सुबुं
(□ 6 बिलाइआव)

कच-राजबंसिनि गागि दैदेनगिरि अतुल बराखौ नमिनेटेड एमसिएलए थिसन्नो दाबि दैखांदों

उदालगुरि, 16 अक्टूबर:
बिटिसिनि बिसायख'थियाय
बिपिएफ दोलो एबा हाग्रामा
महिलारि दैदेननाय बिपिएफआ
फिन गोहोआव फैफिन्नायाव
कच-राजबंसि जनगस्तिआ
बिसायख'थि समआव गोखों
बिफाव लाबोदों। सान-हर
बिपिएफ दोलोआ फसंनाय
बिजाथिफोरखौ देरहासाद
होनायनि बिथिखव राइजोफोरनि
गेजेराव हाबनानै बिपिएफ
दोलोनि सायाव राइजो-
राजाफोरनि सिगाडव दोलोनि



आदर्श आरो थांखिखौ गेबेडै
फोरमायथिनानै बिजाथि
फसंनायखौ देरहासाद होदों।
बेनिखायनो उदालगुरि जिल्लानि
जिल्ला कच-राजबंसिजों
लोगोसे गुबुन-गुबुन हारिफोरबो
(□ 6 बिलाइआव)

गसाइगावआव जोलुर बादायलायनाय

गसाइगाव, ककराझार कमार्स, बासुगाव आरो बड'लेण्ड मुलुगसोलोंसालिया सेमि फाइनलआव

गसाइगाव, 16 अक्टूबर:
गसाइगाव फरायसालिमानि
गेलेग्रा फोथाराव गसाइगाव
फरायसालिमाजों खुंजांनाय
इन्टार कलेज जोलुर

बादायलायनायनि गिबि कुवार्टर
फाइनल गेलेनायाव बासुगाव
फरायसालिमानि जोलुर हान्जाया
सनकष कलेजखौ 1-0 आव
फेजेन्नानै सेमि फाइनलआव

सौहेनो हायो। फारसेथि नैथि
गेलेनायाव कक्राझार कमार्स
कलेजआ गावसोरनि
बादायगिरि फकिराग्राम
(□ 6 बिलाइआव)

उदालगुरि जिल्ला खुंथाइनि मावख'आव आदिकर्मयगी अभियाननि सायाव जिल्ला थाखोआव फोरोंथाइ होदों

उदालगुरि, 16 अक्टूबर:
थानाय 15 अक्टूबरनिफ्राय
उदालगुरि जिल्ला बेंगिरिनि
कनफारेन्स हलआव भारत
सरकारनि ट्राइबेल एफेयर्स
मिनिस्ट्रीनि गेजेरजों कर्मयगी
अभियाननि सायाव सानथाम
नाडै जिल्ला थाखोआव
फोरोंथाइ होनाय बादाखौ मोनसे
हाबाफारिनि गेजेरजों खुं नाय
जायो। बे हाबाफारिखौ बेखेवना
होयो जिल्ला बेंगिरि पुलक
पाठगिरिआ। बिथाड बेखेवनाय
हाबाफारियाव बाहागो लानानै



गावनि बिबुंथियाव कर्मयगी
अभियाननि सोमोन्दै बेसेन गोसा
बिबुंथि लाखियो। बिथाड
बुडोदि, हादतनाडै नो बे
हाबाफारिखौ बेखेवनायजों
लोगोसे उदालगुरि
जिल्लाआवबो ट्राइबेल सुबुंफोर
एबा ओन्सोलआव जिउ
खांबोनाय समाजआरि,
सोलोंथाइ, रांखाथि, राजखाथि
बायदिफोरनि सायाव
जौगाखानायनि थांखिखौ
सिगाडाव दोन्नानै बे
(□ 6 बिलाइआव)

SINCE 1982

DAS[®] JEWELLERS

J.D. Road Kokrajhar

LUCKY GOLD COIN DHAMAKA

बे दुर्गा फुजा आरो दनतेरासनि समाव 3 ग्राम आरो बेनि बांसिन सना
बायोब्ला, सा 15 बायगिरिफोरा 1 ग्राम सना देरहानायनि मोनसे खाबु
मोन्नो हागोन।

25 सेप्टेम्बर, 2025 निफ्राय जागायनानै 20 अक्टूबर, 2025 सिम
नोंथांनि केस मेम 'खौ लानानै नोंथांनि Lucky Draw Coupon खौ
लांफै आरो सना देरहानायनि मोनसे मोजां खाबुखौ ला।

**This Durga Puja and Dhanteras, on Purchase of
Gold Ornament of 3gms and above, 15 Purchasers gets
a chance to win 1 gm Gold Coin Each.**

**Starting From 25th September, 2025 to 20th
October, 2025. Collect your Lucky Draw Coupon along
with your cash memo and stand a chance to win gold.**

**Ph: 03661-355618,
Cell No.: 8876631728**

सुजुगिरिनि खोलोम



गाज्जि मुवा

सोलिफु समआव सुबुं समाजनि थाखाय गिखंथाव सुथुर महैरै नुजाथिजानाय गाज्जि मुवा एबा फेग्रा मुवा सुरंगै जगायनाय आरो बेखौ बाहायनो गोलैयै लामा नुजानाया सुबुं समाजनि खहा लाबोनायल’ नङ, समाजनि लाइमोन हान्जाखौ गोगो सुबुं सम्पद दानानै सिगांलानायनि लामा लानांगौया उन फासैं फावसयलानायसो लाबोनो हागौ। बेनि गोहोम आरो बिजाउनखौ सुबुंफोरनि नोजेराव गोग्लैयाखै नङ गोग्लैबोदों। बेखौ नंखाय होन्नानै बुंनो हाया। सुबुं देहा आरो समाजनि थाखाय खहा गोनां होन्नानै मिबथिनाय जायोब्लाबो जेरावनो मोनो बेवनो सुरंगै मोनफुंनो हानाय फेग्रा मुवा जौ, सिगारेट-बिरि, थंखु आरो थंखु-गय लगायनाय बाइदि रोखोमनि निसा गोनां मुवाफोर बाहायनाय हुदाया मिबथिनो रोडैफोरनि गेजेरवल’ सिमना जानानै थायाखै। बेफोर मुवाफोरखौ सान्न्-हनो गोरों सुबुफोरनि बाहायनायखौबो सम सम नुनो मोन्नाय जायो। फेग्रा मुवा बिरि-सिगारेट, थंखु सोबनाय-जानायनि अनगायैबो नख’रनि सुबुंफोरनि आन्दोयाव थानानै खायफाया होबथा जानाय ड्रगस हारिनि बाइदिसिना निसा मुवा जानानै नागारनो हायै जानानै बाइदिसिना खैफोदआव गोग्लैनांनाय जाथायफोर खौरां बिजों-टिभि आरो समाजआरि बिजोंफोराव नुनो मोन्नाय जायो। थानाय माखासे बोसोरफोराव फेग्रा मुवा ड्रगस बाहायनाया गिथावनायै बांनायनि खौरां मिबथिनो मोन्नाय जायो। बे थासारिया होबथानाय गैयै सोलिबाय थायोब्ला सुबुं समाजनि थाखाय इयुनाव जिंगासिनो गोनां जाहैनाय नङ होन्नानै बुंनो हाया। बेयो समाजखौ सिगां फासैं जौगाहोलांनाय नङ, उन फासैं लानानैसो थंगोन।

गाज्जि मुवाफोर बाहायनाय हुदाया सुबुं समाजखौल’ नङ, सुबुंनि गोसोयारि बेराम, मोजां सान्नाय-हनायाव नांथाबनो हायै जानाय, देहायारि आरो मेलेमारि बिथिंआव सासे सुबुंखौ नोजिया खालामनानै अराय समनि थाखाय फोजोबस्नांनाय लाबोनोबो हागौ। आथिखालनि समाव गाज्जि मुवा ड्रगस बाहायनायनि बिजाउनआ सुबुं समाजनि सायाव खोमसि साइखुतुम गोग्लैनाय बादि जालांनो हागौ। लाइमोन हान्जानि गेजेराव खायफाया मिबथिनानै आरो खायफाया इयुनखौ सानहरनो हायै गोरोन्यिनि थाखाय आरो बाइदिसिना जाहोन-जैनायाव गोग्लैनानै बेफोर गाज्जि हुदाफोराव आखाइ होनाय सम सम समाजआरि बिजोंफोराव नुनो मोन्नाय जायो।

गाज्जि मुवा बाहायनायनि सम आरो दोहौ सोमजिनाय थासारिया सुबुं समाजजों लोगोसे इयुनिन सुबुं धोननि थाखाय खहा गोनां। सुबुं समाजआव खहा लाबोनायनि लामाखौ होबथानायनि गोखै रहा लानायनि गोनांथिखौ समाजआबो सरकार आरो गुबुन गुबुन आफाद, फसंथान आरो गौथूमफोरनो हेफाजाब होनांगोन। बेनि थाखाय समाजआ खौसेयै साग्रां जालायनानै जौनि समाज आरो जौनि लाइमोनफोरनि इयुन फोजोबस्नांरा बे गाज्जि मुवानिफ्राय जानगाराव लाखिनो नाजानांगोन। मानोना बे समआ बादायलायनायनि सम, लाइमोनफोरनो गोगो सोलोंथाय, गोगो देहा आरो गोजों इयुन गोगो सुबुं सम्पद दानाय-होनायनि सम। बे गाज्जि गोहोखौ होबथानो हायोब्लासो जौनि समाजआबो गोगो-गोजों आरो गोजोन थासारिजों जौगालांनो हागोन।

दिनैनि फान्जामुधि

राशि बाइदियै मुंनि गिबि हांखो

मेघ : अ ल

बुष : ऊ ब (उ ए इ)

मिथुन : क ङ (ङ घ)

कर्कट : ड ह

सिंह : म ट

कन्या : प ट (ण ष)

तुला : त र

वृश्चिक : ब न

धनु : ध भ (ढ़ फ)

मकर : ख ज

कुम्भ : ग श (स)

मीन : द च (ख ज झ)



मेघ: बे रशिनि थाखाय अशुभ सान। गोथार हाबा मावनो नाङ। गोसोखौ हमथा।



बृष: सोरनिबा थाखाय जिंगा सिनांनो हागौ। गोसोखौ लोरबां लानो नाङ।



मिथुन: बायदिसिना रोखोमयै रंजानाय लानो हागोन। गोजोनै सम बारहोनो हागोन।



कर्कट: जायखि जाया शुभ खामानि मावनानै लानो हागोन। दिनैनि सानआ मोजां। गोजोन मोनगोन।



सिंह: लोगोनि हेफाजाब मोनगोन। फालांगिआव रंखावरि मुलाम्फा मोन्नो हागोन।



कन्या: बाायदिसिना रोखोमनि सुजुग-सुबिधा मोन्नो हागोन। गोसोखौ गोजोन मोनगोन।



तुला: दिनैनि दिनाव गोथार हाबा मावनो नाङ। अशुभ सान। गोसो हमथानानै थानाया गाहाम।



वृश्चिक: माबा मोनसे मुवा-बेसाद खहा जानो हागौ। गोसोखौ शान्ति मोन्नाय नङ।



धनु: मोजां खामानि मावलांनो हानानै थुलुंगाखांनो हागोन। गोजोन मोनगोन।



मकर: मानिबा जाहोनाव गोसोखौ अशान्ति मोनखांनो हागौ। गोजोन्नाय गैयैजों सम बारहोनांगोन।



कुम्भ: जेखि खामानिखौनो मावा हेंथा होजानो हागौ। सान्नाया जाफुंनाय नङ। साग्रां जानांगोन।



मीन: मोजां खामानि मावलांनो हानानै मुंदांखा जानो हागोन। फारफ्रोमबो मोजां। गोजोन मोनगोन।

रोदोमखांनाय फाइलि

बिदिन्था

–जैत्रि बर’

“नै.....सुबासि... नों तुला रसिगोनलै। दार्थांखा नों दा खेराइसालियाव। बिहामजो मंगिल हमजागोनबो।”

दैखराव माइरं सुबाय थानाय सुबासिखौ दाहोना लावदाबआ जंखायहरदों जुंगालनि बेदाखायै खायै।

“आं थांखायाबो..... थांनोनो लुबैखांथारा आंहा बेफोरबादि होंगो-दोंगो मानसिफोराव।”

माइरं सुखानानै देनबायस्त्रो जालायनानै फिननाय हरदों सुबासिया। लावदाबआ मिनिस्तु जानानै सिरि थाबाय। नायबाय बियो जुंगालनि बेदाया गोर। जादों ना जायाखै। जायाखै, आरोबाव एसे बोसोबावनांगोन। देहानि बोलोखौ बाहायजोबनानै दिरुंखौ बोसोनो नाजाबाय बियो।

माहाजोन हौवाया बुंदों- हाल जुरिनायनि सिगांनो बेफोर नांगोल-जुंगालफोरखौ थि खालामजोबखानांसिगौ। दिनै गाबोन गामियाव

खेराइगोन। बिनि उनाव हाल एवनो जुरिनोसै। जेसेबां सान जिरायनांगौमोन जिरायबाय। दा ख । म । ि । न । य । व । ह । म । फ । न । नां । सि । ग । ओ । न । । बे साननैआथ खेराइनि थियारि खालामनायावनो मुखुब सम हगारहरलायनांबाय। खेराइ जोबखांब्लानो हाल जुरिनाय खामानियाबो जासिगोन। बुंनो थाडोब्ला मारा जोबनायनि उनावनो एसेबो हाल-खदाल दांथाराखै लावदाबमोनहा। ओरैनो मैगं बारियाव खदाल-खन्थिजों एरलु-एरला खालामदोंब्लानो नांगोल-जुंगालखौ बाहायनाय जायाखै। माहाजोनआ बुंदों- मागो दानावनो गोबां खामानिफोरखौ आक्गायहोनानै लानासिंगोन। जरखायै मैगं-थाइगं आरो दुब्बियावबो दानिफ्रायनो एसे एसे हालेवहोलांनानै हाफोरखौ गुबुन गुबुन आबाद मावनो हानायबादि थियारि खालामनांगोन।

लावदाबआ सम साननानै गोमोयो लावदाबनि माहाजोन

सुप्रिम कर्टआ आरटिइजों लोब्बा गोनां मोनसे केसखौ सिजेआइनो दैथाय हरदों

गोदान दिल्ली, 16 अक्बर: सुप्रिम कर्टआ बुंदोंदि, गथ'फोरनि थाखाय फ्री आरो गोनांथि जानाय सोलोंथायनि मोन्थाय (आरटिइ) नेमखान्थिजों सोमोन्दो गोनां मोनसे केसखौ भारतनि गाहाइ बिजिरगिरिनि खाथियाव गाहाम बिथोनफोरनि थाखाय दैथायहरो। जास्टिस दीपंकर दत्त आरो आगस्टिन जार्ज मसिहनि पीठआ थानाय बुधबारखालि नट खालामदोंदि, आरटिइ नेमखान्थिजों सोमोन्दो गोनां मोनसे समान आयदाआ सुप्रिम कर्टआव गोग्लैसोना दङ। पीठआ मोनसे सुबुं जौगाखां आर'जलाइनि हियारि खालामदों, जेराव बे बिथोनखौ बिनाय जादोंदि, धोरोम आरो सोलोंथाय होग्रा फरायसालिफोरखौ आरटिइ नेमखान्थिफोरनि गेजेरजों सोफानांगौ। बुंथिगिरि अश्वीनी कुमार दुबेनि फासैंनिफ्राय थिसन्नाय आर'जलाइआ नेमखान्थिनि आर्टिकेल 1(4) आरो 1(5) नि आइनारिखौबो सेलेन्स होयो, जेराव बेयो संबिजितनि गुबुन गुबुन नेमखान्थिफोरनि उल्था होन्ना दाबि देखानाय जायो। बेयाव आर्टिक्रल 14 आ दंफायो। आर'जलाइआव बुंनाय बादिब्ला, टिइटिखौ फोरेंगिरिफोरनि गुणखौ लाखिनो थाखाय दिन्थिनाय जादोंमोन, जाय बाङइ अन्जिमा नडै आफादफोरनि सायाव सोलियो। आर'जलाइ थिसनग्राफेय आर्टिकल-32 नि गेजेरजों सुबुं जौगाखां आर'जलाइ थिसनग्रासिनो दङ, जेराव आरटिइ नेमखान्थि आरो फोरेंगिरि थिसन्नाय आन्जादखौ गासै फरायसालिफोराव समानै सोलिनांगौ होन्ना बिथोन होनो दाबि दैखांनाय जादों।

भारत-म्यानमार सिमनानि गामि गाहाइफोरा सिमनायाव पेन्सिं लागायनायखौ हेंथा होदों

गुवाहाटी, 16 अक्टबर : मणिपुरनि चन्देल जिल्लानि भारत-म्यानमार सिमना ओन्सोलनि सा 14 गामि गाहाइफोरा बावैंसो समाव सोलिबाय थानाय सिमनायाव पेन्सिं लागायनाय बिथांखिनि हेंथायै जुथाइ बिबुंथि फोसावनानै दाबि दैखाडोदि, बिसोर गावसोरनि ओन्सोलफोराव जेबो बानायनाय हाबाफारिखौ गनायथि होनाय नङ। गाहाइफोरा मोनसे हान्जायारि बिबुंथि फोसावनानै

समबारुवा थारैनो गोमोथाव रोखोमनि सुबुं। गोजौ गिदिर जालांगाद। मानसिफ्रा बुडो समबारुवा जोबोद लेखा गोरोंथारमोन। बिनि बिमाया बिखौ बुरजा लेखा फरायजानो लुबैदोंमोन, फोरोंनो लुबैदोंमोन । नाथाय सानसेखालि जिबौ सौजानानै हर्खाबै थैनायखौ गोबानानै लानांदोंमोन समबारु बिमाया। बे समाव समबारुवा जिनै बोसोर जाबायमोन। समबारुनि उन्दै आरोबाव सासे फंबाय आरो बिनानाव। न'खरखौ सामलायनो गोदानै हाबा खालामफिनदोंमोन समबारु बिफाया। नाथाय समबारुमोननि बै बिमा बाथुला समबारुखौ लेखा फरायनो होआखिसै। समबारुवा फरायसालियाव थांनो नागिरब्लानो बिजाब बिसिनानै होनाय, गामसा-गस्ला सावना होनो नागिरनाय रांखिनि बिमा बाथुलनि महरखौ नुनानै समबारुवा लेखा फरायनाय सिमांखौ ज्राब गारनानै गुबै हालुवा महरै न'खरनि खामानि मावनो लानायसै। समबारुनि उन्दै फंबाय-बिनानायमोनहाबो साननैसो थांहां-फैहां खालामनानै

उनाय बिसोरबो फरायाखिसै। बै समबारुवा जोबोद गोमजोर नाथाय जोबोद अनसुला गोसोनि। बिनि खामानि मावनाय-दांनायनि गोमोथाव आदब-खायदाफोरा बयखौबो गोमोहोयो।

ल । व । द । ब । अ । बोसोरनैयानो जाफै बाय समबारुनि न'आव थाफैनाया। नाथाय दिनैसिम माहाजोन समबारुआ जैरैबादि अनबोदों, बानजायबोदों बेबादि अननाय-बानजायनाय बियो सिगांनि म । ह । ज । ओ । न । फ । ओ । र । ना । व । मो । न । बो । फे । रा । खैं । मो । न । समबारुनिफ्राय गोबां खामानि सोलोंनानै लानो हाबाय बियो। दानिया गामियाव रुवाथि-दाहोनानि आरिमु गैबांलिया। रावबो माहाजोनआ हा-हु वुरजाब्लाबो दाहोना-रुवाथि बेवादि ग्रोम ग्रोम लालिया। बुंनो थाडोब्ला लालिया नङ मोनलिया। दानि मानसिफ्रा। बयबो लेखा फरायजोबथारसै। गोरिब जा धोनि जा बयबो बेसेननाङ जासे सोलोंथाइ लानो हानायनि खाबु जाबाय। बेनि अनगायैबो गोदान आथालनि गथ'साफोरा अलसियाजोबसै। मावसोम-दांसोम जानायखौ लाजिनाय मोनसै। बेनिखायनो दाहोना-रुवाथि-लावखार थानायनिफ्राय जोबोद गोजानाव थाग्रा जाबाय, नांगौब्ला सिखाव-डाकात खालामनानै जागोन। अब्लाबो बेबादि गुबुननाव

बान्दि-बान्दा बैनानै थालिया होननानै लासैनो बे आरिमुवा गोमाबोबाय। समबारुवाबो बेनिखायनो आवगायलिया दाहोना-रुवाथि लानो। नाथाय समबारुवा आवगायाब्लाबो मानसिफ्रानो बिनियाव ग्रोब ग्रोब सौग्रावफैबाय थायो। गावसोरनो गोसो जानानै थाग्राफोरानो समबारुनाव सायख्लुम नागिरनानै फैबाय थायो। लावदाबआबो बेबादिनो फैदोंमोन। बै हरनि बाथ्राखौ गोसोखांब्ला लावदाबआ दिनैसिमबो गोजास्रिव मोनखाडो।

गुबुन सेंग्रा लोगोफोरा केरेला बेंगलाराव थानानै कम्पानिफ्राव साख्रि मावहैलाबायनायखौ नुनानै लावदाबआबो लोगो जादोंमोन। अदेबानि बिखौ गावसोर गामि खाथिनि राखेबआनो लोगो लाबाय थादोंमोन। राखेबआ बेबादिनो जायगानिफ्राय गोबां सेंग्रा-सिख्लाफोरखौ लांनानै बै जायगाफ्राव साख्रि हैबायनो। बयबो बेनिखायनो राखेबखौ लोगो हमफैलायो गावसोरखौ लांनो, गावसोरनि फिसाफोरखौ लांनानै साख्रियाव थिसनहैनो। लावदाबआ राखेबखौ बुंनो गोनां जायाखैमोन। उल्थायै राखेबआ गावसो लावदाबखौ बुंदोंमोन गावजों थांफानो। खेबसे नङ खेबनै नङ गले गले लिंबाय थानायाव

लावदाबआबो उनाव बेवहाय दाहोना थानानैलाय माथो मोननो, बैफोर जायगाफ्राव थाडेब्ला जि रोजा-जिबा रोजा दानबान्था मोनोब्लालाय माथो गाज्जि साननानै ओंखारफानायसै। बेनि सिगां बियो हरथेंनाव दाहोना दङमोन। हरथेंआ खिबु सेबथा माहाजोन। दानबान्था होनायाव जोबोद जेना दिन्थियो। बेनिखायनो राखेबजों थांफानायनो साबसिन जासिगोन साननानै ओंखारफादोंमोन बियो। थि सानखालि थप्ला-थप्लि लानानै ओंखारलांफादोंमोन बेंगालर होननानै।

माब्लाबाबो गोलाव लामा ट्रेनजों दावबायफेरै लावदाबनि थाखाय बियो मोनसे गोदानथार रोंग'थिमोन। बे दाबानिफ्राय बै दाबासिम हाबलांदोंमोन बियो। ट्रेनआ हावरा बारलांदोंमोन। बियो मानिफ्राय मा स्टेसन मोनो लेखा फिसायाव नामफोरखौ लिरनानै लादोंमोन। खेंख्रा-खेंख्रियैब्लाबो एसे एनै लिरनो, दद-मदयैब्लाबो एसे फरायनो रॉनाया बिखौ जोबोद मदद खालामदोंमोन। हावरा बारखानायनि उनाव बियो मानोबा गोसोखौ उसु-खुथु मोनखांदोंमोन। सुखुवा बुखुवा माखासे सानस्त्रिफोरा बिखौ एगथुबाय थादोंमोन। गुबुन जायगायाव खामानि नागिरनानै ओंखारबोनाय एसेबां बुरजा सेंग्रा-सिख्लाफोरखौ नुनानै बिनि बिखाया खायसिब मोनखांदोंमोन। पाटना स्टेसनाव आरोबाव गोबां

(□ 5 बिलाइआव)

ट्रुवाल रेटिंआ 69.4। बे रेटिंआ बिरखंनि अनजिमाखौल' बिजिरना नायाखै नाथाय गाग्लोबनाय आरो रैखाथि गोहो, रौनिया हेफाजाब, गोदान मुगानि खालामनाय आरो मावफुंनाय फोरोंथाय बायदि जाहोनफोरखौबो बिजिरो। 1,716 बिरखंफोरनि बेलीजों भारत हादरआ मोनसे समान्थि गोहो दाथाय लाखिदों। भारतआरि अखां सान्थ्रिनि

आगजुफोरखौ आमेरिका, रासिया, फ्रान्स आरो इजराइलजों लोगोसे गोबां हादरफोराव दिहुन्नाय जायो। भारतनि एयार फर्सनि मावफुं'नाय गोहोखो जर'खायै अपारेशन सिन्थुरनि समाव दिन्थिनाय जादों। बे अपारेसननि समाव 2025 नि मे दानाव भारतआ पाकिस्तान आरो पाकिस्तानजों सामलायजानाय काश्मीरआव उ त ख । रि फ । ओ । र । नि

दाथायफोरनि सायाव गोबां गेबें स्ट्राइक खालामदों। बे गाग्लोबनायफोरा भारतनि एयार फर्सआ पाकिस्तानखौ बेसेबां खहा खालामदों बेखो दिन्थियो। पाकिस्तानआ फिन खेबसे खिथेर होनो खाबु मोनाखिसै आरो खमैबो 1 दजननि एयारबेस आरो राडार स्टेसनफोरा। सिलिंखार जादोंमोन। चीननि एयार फर्सआ 63.8 नि ट्रुवाल रेटिं दङ, जाय बेखौ बैथि मासियाव दोन्दों।

बिसोरनि सिमना ओन्सोलफोरनि थागिबिफोरनि गेजेराव आथिखालाव सोलिबाय थानाय सिमना सावनाय हाबाफारिखौ लानानै जिंगा सिनाय फोरमायो। बिसोर सांग्रांथि होयोदि, पेन्सिं लागायनायजों सिमनानि थागिबिफोरनि हा सिनायथि आरो फोलेयारि जौगाखांनि सायाव गोब्राबे गोहोम गोग्लैनो हागौ। बिसोरनि बुंनाय बायदिल्ला, गोथौयै

सावरायनायनि उनाव जों गाारंसेयै थांखि लायोदि, जों गावसोरनि मोन्थाइयाव थानाय ओन्सोलफोरनि सिडाव पेन्सिं लागायनाय बिथांखिखौ हेंथा होनानै होबथागोन। गामि गाहाइफोरा सरकार आरो सोमोन्दोखौ गोबां एजेंन्सिफोरखौबो खावलायोदि, जेब्लासिम कुकि ज' सुबुंफोरनि थाखाय आलादा खुंथाइनि दाबि देखानाया आबु जाया, अब्लासिम सिमनायाव बानायनाय हाबाफारिफोरखौ होबथागोन।

4

बिलाइ

कक्राझार, शुक्रवार 17 अक्टबर, 2025

बुहुमनि गोबावसिन थांना थानो हानाय सुबुंफोरनि थाग्रा जायगाखौ मिबथिगौ ना?



जों गोबां सल'फोरखौ खोनानो मोनबायदि, जेराव सुबुंफोरखौ रोजा-रोजा बोसोर थांनानै थानायनि बाश्त्रा बुंनाय दङ। बुंनाय जायोदि, सैथो जुग आरो दापर जुगआव सुबुंफोरा 200 बोसोरसिम थांना थायोमोन। सान्नो गोर्नादि, समआ माबायदि सोलायबोखो। आथिखालाव सोरबाया 80 बोसोर थांनानै थायोब्लाबो गोबाव सम थांना थाबाय होन्ना बुंनाय जायो। बांसिन सुबुंफोरखौनो जों 70

बांसिन नख'रआव सोरनिबा बैसोआ 100 बोसोर जाबाय आरो सोरनाबा बारलांबाय। अकिनावायाव गासै 150 आइलेण्ड दङ, जायफोरा जापान आरो ताइवाननि गेजेराव दङ। बेखौ अमर जिउनि हा बुंनाय जायो। ड्रिउ बिन्सकीआ गावनि इउटुब चेनेलआव बिसोरनि गोबाव सम थांना थानायनि गोबां रहस्यखौ फोरमायदों। बेयाव सुबुंफोरा हेल्दी लाइफस्टाइलजों जिउ खाडे। बांसिनानो फुनि 6:30 रिंगायाव सिखारना ब्याम खालामो। बैसो गोराफोरा बेनिफ्राय देहायाव बोलो मोन्नाय मोन्दाङो। आइजोफोरबो न'आव थानानैबो थाबायदिंबाय थायो, एसेबो जिरायनानै थाया आरो रंजा-गोजोनै थानायनि थाखाय गोबाव थांना थायो। बिसोरो हेल्दी फुट जायो आरो उखैनायनि 80 जौखोन्दोल' आदार जायो। थामहिनबा जखानिफ्राय एसे खम आदार जायो।☐

गोथै शह'

सोर जाखो नों ? बे लामायाव गोलैना थानाय निजोम दलर सोलेरा। सोर सुथुरा नोंखौ सिथार लांखो ? मबे जमा नोंनि जीउखौ लांखो ? रावबो नोंखौ दिनै सिनाय लिया। रावबो नोंखौ दिनै अनसायलिया दावखा-सिला, शियाल-शिगुनफोराबो नोंनि शह'खो मानोबा बोगार फैयाखैसै। जोहोलावमोन नामा नों सासे ? समाज सिबियारिमोन नामा नों सासे ? नोंनो मोन नामा बै बिग्रायारीया ? जानांबाय दिनै आलाइ-सिलाइ, सोर बिमाया नोंखौ अनसाय बावनो, सोर बिफाया नोंखौ खनखां बावनो सिखिरि मानसिया नारश्रेट-जोश्रोद मुगैलांबाय, लामानि गोथै लामायाव थानांबाय। रावबो नोंखौ दिनै सिनायाखैसै, रावबो नोंखौ दिनै मान होयाखैसै। सुबुं समाजआव मोनाखैसै नों थरथिंसे अन्नाय, बुहुमाव मोनाखैसै दखरसे गोथैसालि आय' मा बरात स'ना नोंनि।

थरायना अल'खा ब्रह्म गामि- गमाबिल (दत'मा)।

अनजिमानि लाइजाम

हरदोंमोन आं, अनजिमानो लाइजाम आंनि जिउनि होन्ना। सानो आं अनजिमाखौ आंनि जिउनि अनजालि हो न ना नै। आं नाथाय, अनजिमानो हरनाय लाइजामखौ, रावबो नुवा रावबो खोनानो मोना बे आंनि अनजिमानो हरनाय लाइजामाखौ। आं सानो आंनि गोसोयाव बे दान्दिसे संसाराव अनजिमानि अनगायै रावखौबो लानो हानाय नङ। गोसो गोर्बोंजों मोजां मोननायखौ आं बोरै नागारनो हानो। जिउआ जोबलाडे आं अनजिमाखौ बावनो हाथारनाय नङ। बेनो आंनि अनजिमानि लाइजाम।

श्री अजय कुमार बसुमतारी
लाःसोः- सिम्बरगाव
जिल्ला-क'क्राझार बि टि सि आसाम।

मोदैनि बाना

आंनि मेगननि मोदैखौ सोर हुगारनो, गैयामोन आंनि थाखाय गोसोआव रावनिबो अन्नाय आरो गोसो गोरबोजों मोजां मोन्नाय सान्दोंमोन आंलाइ बुहुमाव उजिनानै मानसिनि अन्नायखौ मानसियानो मोनगोन होन्नानै नाथाय माथो मानसिनि अन्नायखौ मानसिया मोनालासै गुबुन मासे सैमा बांग्रायासो मोनबाय। आं जेब्ला थाखो डाइनआव फरायदोंमोन अब्ला आं सासे समायना महरगोसा सिख्लाखौ मोजां मोन्दोंमोन। अब्ला आं सिगां खेब अन्नायखौ बिनाव बिदोंमोन नाथाय, बियो आंनो अन्नायखौ होदोंमोनबो, आं जेब्ला गोरबो बिखानिफ्राय अन्नायखौ गोगोमै होदोंमोन अब्ला बियो बुंदोंमोन आंहा गुबुन सासे दंखायो होन्नानै अब्ला बियो बुंनाय लोगो आंनि अनगायै गुबुन सासे सेंग्राजों मोजां मोनलाइदोंमोन। नाथाय बिनि साननायाव आंनि गोरबोया थेर बेथेर गावस्रा लाडे बारजों उरां फारां सान्नायजों बोदोर बावलि अब्लानिफ्राय आंनि सान्नाया फामोला जायो।

श्री राइदाव कुमार बर
गामिः- लावखिगुरि
थाखोः- जि।

गुमुर गैयै भ्रमण

एस आइ आर बसुमतारी

मासे फिसा इनजर इंगिनि गुदुं नागारनानै हाग्रा-बंग्रा हा सिडावनि हानजा दैदेननानै दाब-दाब गिदिं-गिदिं बेयाव दसे, बैयाव आयदासे एखनब्ला खिफिदेरनाय, एखनब्ला एरफुनाय बुहुमखौ बागदाव खांहोदों। राजखान्थिनि फंनैसो मन्श्रजों साधु बैरागिनि गिरुया जि जोख्लोबनानै गोदानै दाफिननाय जीउ राहाया दान्दिसे बुहुमाव फेरलेबसे रंजानाय लाबोदों। नाथाय सियाला गोथां महर लाब्लाबो बियो सियालानोखा; दावखाया दावराइनि गां थुदेरब्लाबो गुबै दावखायानो खा। बैरागीनि गाब गाब्लाबो आखुथाया इनजर इंगिनिनि; बिनि देंखोफोराबो गलिनो रोङे गोरा अन्थायनि बिदै। दा बै इनजर इंगिनिया भ्रमणनि थाखाय थांबाय स'नानि सिंहासनखौ नागारनानै गावखौ गुबै सन्यासी दिन्थिनो नाथाय बबे दिकनि भ्रमण रावबो गुमुर मोनाखै।

रंजालि गथ'फोरनि सौरा

फै बर' फिसाफोर

फै बर' फिसाफोर मोस्त्रोम बादि गिरजाब गिरजाब जानो सोलोंदोनि	फै बर' फिसाफोर जाम जाम जाना ग्रोम ग्रोम बर' माहारि दादोनि
फै बर' फिसाफोर अराय बोथोर नागारदोनि नख'र दावहा जानाय	फै बर' फिसाफोर दिन्थिदोनि बर'फोरा खौसे हारि होनना
- रैदोम बर', बाक्सा	

आं आंसो

आंखौ..... जंखायनाय, एदावनाय, सोंखारिनाय बेमा जेबादि हेब्रे -माब्रे सोंथेना लामा आन्दायहोना, अखा मोफलामना, जोमै दाखाबादि खोमसि जाहोयोब्ला..... आंहा बेफोरजों जेबो सोमोन्दो गैया आं आंसो।

मर'मि मसाहारि, बाक्सा

गोसो थोनाय

आय' हाबाब गोसो थोनाय। मा एसेबां गोदै मा एसेबां मुजिथाव मा जिराद बेलाइ ? बेनो नामा गोसो थोनाया ? बेनो नामा मायानि जेआ ? सोर अबंलावरिया जोनोम होया ? बे अन्नाय मोजां मोन्नाइ आरो गोसो थोनायखौ सानथारा खैमोनदि आं – गोसो थोनाया बेबाइदि सानसे रजेखौ नुयाब्ला। सानसे रजेखौ लोगो हमनो मोनाब्ला सानसे रजेजों मोजां गात्रि बाश्त्रा राइज्जालयनो मोनाब्ला। गोर्बों –गोसोआ गोजोन गैथारा। आरोबाव गोजोन गैयावया रजेखौ नुनानै आरो रजेजों राइज्जलाइनानै , लुबैलिया थांनानै थानो रजे गैयाब्ला। नांबावगौ बेनिफ्राइ.....बाइदि बाइदि. गुबुनजों दाजार्थों मोजां मोन्नाया आंनि रावनोबो दा बिलाइ हरथों आंनि रजेखौ , अबंलावरिनाव आर'ज गाबो आं। अबंलावरिनाव बोर बियो आं। मोजां मोन्नाइया आंनि फेलें थोङ जाहाते बे जोनोमाव नों रजेखौनो आं मोनथारथों नों र'जेखौनो मोनथारथों आय' हाबाब गोसो थोनाय।

श्री थयास बसुमतारी,
गामि- कसुगाँव

रजे नों आंनि

रजे नोंखौ नुनानैनो आंनि गोसोआ बोदोर जाबाय, नोंखौ दसे नुवाब्लानो आंनि गोसोआ उसाव बादाव जाखाडे। खेबसे नुनायावनो आं नोंखौ गोसो गोरबोजों मोजां मोनबाय। आदा आं नोंखौ जेब्लाबो आंनि खाथियाव थाबाय थाजानो लुबैयो। नोंनि अनगा आंहा सिगाछाव रावबो जिउनि असे लोगो गैयामोन, रजे आं नोंखौनो जेब्लाबो जिउनि मोदाय खालामनानै लानो हास्थायो।

थरायना पुजा बड'सा।
लाःसोः - दैमालु नोगोर (बिजनी) जिला - चिरां।

लोगोफोरखौ गोसो खांनाय

लोगोफोरखौ गोसो खांनाय हुदाखौ नागारबा आं। मानोना बेसोर बैसमनि बादि नंलिया, बिफां बिलाइ सोलायनाय बादि बेसोर गुस्लायजोबबाय। आंथ सान बायदिनो दाबो सिगां जेरै दाबो एरै। नाथाय नोंसोर दासान आंखौ सान बायदि थैनो रोंयै। बै समाथ थाबोबाय नोंसोरबोथ गावस्त्रा जोबबाय आंथ गेजेराव थाना गल गथ। आंनावथ बै समनि साइकेल बोरायानो दाबो दं, आंथ बै लामाजोंनो दाबो आवगा लांयो। नाथाय दिनै नोंसिनाव गैलिया दा नोंसिनाव दंसै साइकेल बोरायनि जायगायाव कार,बाइक, सिकुटि। आरो नोंसोर बै लामाजों फैलिया। बेनिखायनो आं गोसो खांनाय हुदाखौ नागारबाय आरो नोंसोर दा बे जायगायाव गैलिया।

सनिया बसुमतारी
गामिः ककिला बनरगाव, बिस्वनाथ

मिजिं थिबाय

गेदेमा सुबुंफोरनि समाजाव दिन्थिल्ानाय मावमिन बोसोनथिया अराय गेवलांसार आरो गोजेरजाथें मिजिं थिबाय।

सबिराम बर'
राबां, बाक्सा

सिमांनि सैनाय

अ' आंनि सिमांनि सैनाय, मैआसो बारहांनाय। दिनैनो मेगन खेबजानाय, गाबोनो जुलि लाजानाय। नोंनि महरआनो बिदिन्थि, सानाखैमोन आं बिब्दि। सानदोंमोन आं नोंखौ, सिमानिसो सैनाय, फोजा लांबाइसो नोंनि खानायबिलाय, मादि महर सारफावनाय स'ना नोंखौ, नोंनि बर' बिमाआलाय। मानोथो गोजावखो आंलाय, मानोथो गलि नांखो आंनि गोसोआलाय, नोंखौ नुनानैलाय, अ' सिमांनि सैनायलाय, सिमांनि सैनायाबो जामारो मोगथानि राणी दंमारोसै बर' बिमानि जोलै हाजो हायेन बर'नि बिबारि बिनि खायनो बर' हारिनि गेजेराव बिरबोयो बायदिसिना गाबनि सिखिरि।

मुप्ति किंकं राजा नाजरी।
लाःसोः - स'नापुर।
जिला - चिरां।

सिनायै अनजालि

हाय अनजालि! जाखो नों बबेनि ? मिथियाखिसै आं नोंनि थं थेवबो नोंनि फंसे रायदावलांनाय रावआ आंखौ सिमब्रेलाडे। नोंनि समयना गलाब राणी महरा आंखौ खालामबाय हालाथ-हाफाय, नोंनि हायनारि गावदां महरा गेलेफैबाय खनले-खनले गोर्बों दरखंआव। आनदाय होबाय नों आंखौ बारसेल' गलाब बिबारनि बागानाव, नोंनि समयना महरनि हायना सारफावनायाव। खारफा नांबाय नोंजों उन-उन थेवबो मोनाखिसै आं नोंनि थं, गोर्बोंआवल' गालांबाय नोंनि समयना गलाब राणी महरा।

मुप्ति सन्तस रामचियारी।
गामि - खारुवा (बिलपार)।
लाःसोः - खारुवा।
जिला - बागसा।

पाकिस्तानाव ट्राक बेल्थायनायनि जाहोनाव सा 15 सुबुंनि जिउ खहा

इस्लामाबाद, 16 अक्टबर: पाकिस्ताननि खैबर पख्तुनख्वायाव मोनसे दुखुनांथाव जाथाय जादों। ब्रिहस्पथिबारखालि मोनसे सुरंगनि खाथियाव गंसे ट्राकआ बेल्थायनायाव एखे नख'रनि खमैबो 15 सोद्रोमानि जिउ खहा जायो। बे जाब्रबथायाव गुबुन सा 8 सुबुंफोराबो जोखोम जादों। रैखाथि बिबानगिरिफोरा जाथायनि सोमोन्दै खौरां होदों। रेस्व्यु 22 इमारजेन्सि सर्भिसनि सासे बुंथिगिरिया फोरमायनाय बादिल्ला, बे जाब्रबथाया मालाकन्द जिल्लानि स्वात मटरवेआव जादों। जिउ खोमानांनय गासैबो स्वातनि बहरीन तहसिलनि जिब्राल ओन्सोलनि मोनसे दावबायथिग्रा नख'रनिमोन, जाय गले गले बोथोर बादियै गुबुन गुबुन जायगाफोराव थाडो। फाहामसालिनि डक्टरफोरा सा



जाब्रबथायनि खौरांखौ मोनानै रैखाथि बिफान आरो पुलिसआ जाब्रबथाय जानाय जायगायाव सहैयो आरो साफ्रोमखौबो जिल्ला गाहाय मावख'नि देहा फाहामसालि बाटखेलासिम लानानै फैयो। देहा जायगाफोराव थाडो। फाहामसालिनि डक्टरफोरा सा

बिदिन्था

(□ 2 बिलाइनिफ्राय) बिहारि सेंग्राफोर गाखोदोंमोन लावदाबमोननि दाबायाव। जोबोद दावराव दावसि, नारलाय-नारसि। ट्रेनआ भुबनेश्वर बारलांदोंमोन। हासुनो होननानै टयलेटथिं थांनो लानाय लावदाबमोननि सासे लोगोखौ सासे बिहारि सेंग्राया गावनाव गाख्लाबदों होननानै रागा जोंदोंमोन आरो बिखौ गात्रि गात्रि रावजों राइनो लादोंमोन। बुजिनाय बुजियै, रोनाय- रोडैनि गेजेराव लावदाबमोननि बै लोगोआबो हिन्दीयाव थथ' थाथा माबा माबि बुंफिनदों। थासारिया गुदुं जादों। बिहारि सेंग्राफोरा लोगो जालायनानै लावदाबमोननि बै सोगो सेंग्राखौ गोदोनायाव हमनानै नाज्रेदबाय। लावदाबआ हमथानो होननानै आवगायलांदोंमोन। गुबुन बिहारि सेंग्राफोरा लावदाबखौबो नाज्रेदगासिनो नाज्रेदहरबाय। दुब दुब दाब दाब बुलायनाय जाबाय बिसोरनि दाबायाव। सोर सोरखौ बुदों, मानो बुदों रावबो मिथिलायला, हमनो हालायला। मोनसे समाव थै रना रनि लावदाब आरो बै लोगो सासेखौ बिहारि सेंग्राफोरा खोमसिनि खाबु लानानै ट्रेनिफ्राय नारख्लायहरदों। खाफाला मोजां बे समाव गुबुन जेबो ट्रेन फैथ'वाखैमोन। नाथाय बेसेबा गोखैयै खारनाय ट्रेनिफ्राय ट्रेकआव गारहरजानाय लावदाब आरो बै लोगोआ जोबोद गात्रियै जखम जादोंमोन। सिखारनो हायाखेमोन बिसोर, हरसे थारला गोर्लैसोनानै थादोंमोन ट्रेनि ट्रेकआवनो।

न'आव गिर्दिबोफिननो ना बेंगालरसिम थांथारनो? आखायावबो रांखावरि थाइसेबो गैजाला। सोरनाव माबोरै मदद मोनबावनो? राहागोथे लावदाब आरो लोगो सासेया साननानै मोनाखेमोन मा खालामनाया मोजां जागोन। स्टेसन, स्टेसन सेरनि मन्दिरफोराव बिसोर मागिथिंनानै जानो गोनां जादोंमोन। सानसेखालि स्टेसनाव उन्दुनानै थानाय समावनो लावदाबनि लोगोखौ माखासे दुथांफोरा आरोबाव इनयै गाग्लोबफैदोंमोन आरो बुनानै बिन जिउखौ फोजोबदोंमोन। लावदाबखौ बिसोर सिनायनो हायैलाय जेबो खालामाखिसै। बिन अखानायैनो माबा मोनसे सानखानानै जायखिजाया ट्रेनावनो गाखोनानै थांनोसै होननानै गाखोदोंमोन लावदाबआ आरो बिबायारिनि महरैनो बियो बडाइगावसिम सौफैदोंमोन। बिन उनाव समबारुनि न'।

दा बियो समबारुनि न'खौ एरखेनानै जेरावबो थांनायनि बाथ्रा सानलिया। थैनायनि खुगानिफ्राय बारग'बोबाय बियो। गामियानो मोजां। गुबुनाव थांनानै बुरजा रां खामायनो सिमां नुनायनिखुइ ओंखाम गोर्जां, ना बाथोन जानानै बेबादि गोर्जोनै थांनानै थानायानो बेसेबा गोर्जोन। लावदाबआ सानो।

“यै लावदाब, बै सुबासिखौ खेराइसालियाव लिंहरदों होननानै खिन्थाहरहाय। माबा दौदिनिजों फैफानाय आलासिफोरनो एसे साहा-गय राननानै हैफैथों। आं बै नादेबमोननिस्सिम थांनानै फैनि। मा जाखोथाय बिहाबो, लोमजादोंसो ना मा ? नादेबआसो बाहागो मोनदोंमोन नडबालाय आलासि सिबिनायखौ।”

खेराइसालियाव थांनाय माहाजोन बुरैया लामानिफ्रायनो लावदाबखौ बुंहरो। लावदाबखौ बुहरनाय बाथ्राखौ सुबासियाबो खोनाखाबायमोन। बेनिखायनो लागोनसिम एसे ओंखारबोनानै बियो बुंफैबाय-

“आं ओंखामसो संदोंमोन आयं। मोनथवाखैनो।” सुबासिनि रावखौ खोनानानै माहाजोन बुरैया बुंहरफिनबाय।

“दे होमबा थादो। आं रुफाथिखौनो लिंलानोसै। खामानि मावग्रा सिख्लाफ्रानो गैथारलाहाय मा। मा जाजोबखो मानसिफ्रानो। गामिफ्राव माबाफोर फोरबो खुंनोब्ला, न'खरफ्राव माबाफोर हाबाफारि लानोब्ला खामानि मावनो मानसिखौनो नागिरना मोनला। गसिबो माबा केरेला, बेंगालर, कम्पानि होननानैल' खारलांथारसै नालाय। मा मानोहैयो बेफोराव थांनानैबा। माथो रावखौबो माहाजोन जाहैनाय, रां-रुफा बुरजा आरजिहैनयखौनो खोनाथारा। ओजों आरो जायगायाव नांगो समाव मानसिखौनो मोनला। जायगाफ्रावनो मेरला खामानि थायो, मावनो रोंब्लालाय, मावनो गोसो थाब्लालाय....”

“लामा लामा माहाजोन बुरैया राइखावलांबाय थानाय सोदोबफ्रा लावदाबनि बिखायाव श्रोब श्रोब हाबो।□

जादोंमोन। बे बासआ इस्लामाबादनिक्राय लाहरसिम थांनाय समावनो जाब्रबथाय जायो। बे बासआ पान्जाब हादरसानि चकवाल जिल्लानि बलकासारनि खाथियाव मोनसे हाख'रआव गोर्लैदोंमोन। बेयाव सा 40 निबो बांसिन दावबायारिफोर दंमोन। बासनि टायार बेरफ्रुनायनि जाहोनाव बे जाब्रबथाया जादों। बे बोसोरनि सिगां एप्रिल दानाव जुलाइ दाननि सिगां पाकिस्ताननि पान्जाब प्रभिन्सआवबो मोनसे दुखुनांथाव जाब्रबथाय जादों। बे जाब्रबथायाव आइजो आरो गथ'साफोरजों लोगोसे सा 11 सुबुंनि जिउ खहा जायो। लामानि गात्रि थासारि रैखाथिनि सांग्राथिनि आंखाल आरो ट्रेफिक नेमफोरखौ नेवसिनायनि जाहोनाव पाकिस्तानाव गोबां समावनो गिखंथाव जाब्रबथाय जायो।□

गार' हिल्सआव आयेन बेरेखा इउरेनियाम जावखांनायनि दाबि दैखांनायखौ नेवसिगारदों



गुवाहाटी, 16 अक्टबर : मेघालयनि गिबि मन्थि कनराड के सांमाया बिजेपिनि दैदेनगिरि बर्नार्ड एन-मरकनि गार' हिल्सआव इउरेनियामखौ आयेन बेरेखायै जावखांगासिनो दं होन्ना दाबि दैखांनायफोरखौ

नेवसिगारदों। बिसोरनियाव इउरेनियाम जावखांनायजों सोमोन्दो गोनां जेबो फोरस्मान एबा खौरां गैया होन्ना बिथाड फिन्नाय होदों। जुदि बेबायदिब्ला बेयो जिंगा सिथावना बाथ्रा। जुदि बेबायदि

हाबाफारिया सोलिमारदोंब्ला बयनिखुइ सिगां मेघालय सरकारा नायबिजिरगोन, मानोना जों इउरेनियाम जावखांनायखौ हेंथा होयो होन्ना गिबि मन्थिया बुडो। बिथां सांमाआ बे बाथ्राखौबो

आमेरिकानि कर्टआ ट्राम्पनि मोनसे मख 'जाथाव थांखिनि सायाव होबथानाय जाबसिन्दों



वाशिंटन, 16 अक्टबर: आमेरिकानि कर्टआ डनाल्ड ट्राम्पनो सेलेन्स होनानै मोनसे मख 'जाथाव थांखिनि सायाव होबथानाय जाबसिन्ना होदों। कर्टआ रोखायै बयबो नेमखान्थिफोरखौ फालिनांगोन होन्ना रोखायै बुंदों। बे थांखिआ ट्राम्पनि थाखाय जे'नाफोरखौ बांहोगोन। मानोना बियो सिगांनिफ्रायनो माखासे आइनारि सेलेन्सफोरजों मोगा-मोगि खालामगासिनो दड। कर्टआ गोखोडै रावबो आइननि देरसिन नडा होन्ना बुडो। मख 'नो गोनांदि, आमेरिकायाव मोनसे थांखिआव सानफ्रान्सिस्को'नि जुथाय जाज सुसान इल्स्टनआ ट्राम्प खुंथायनि फासैनिफ्राय सरकारि शाटडाउननि समाव रोजा-रोजा जुथाय मावसुमाफोरखौ होखारनायनि सायाव अरायथा नडै महरै

होबथानाय जाबसिन्नाहैं होदों। बे बिथोनआ बे के सनि फिन्नायाव फैदों, जेराव लेबार इउनियनफोरा दाबि दैखांदोंदि, बे होखारनायफोरा आइन बेरेखा। बे बिथांखिखौ बै समाव लानाय जादों, जेब्ला ह्वाइट हाउसआ शाटडाउननि गेजेरजों खमैब्लाबो 10,000 मावसुमाफोरखौ साखिनिफ्राय दिहुन्नाय बिथांखिनि सोमोन्दै गावसोरनि नेमखौ मख 'यो। जाज इल्स्टनआ हियारिनि समाव जिंगा सिनाय फोरमायदोंदि, ह्वाइट हाउसनि अफिस अफ मेनेजेमेन्ट एन्ड बाजेट (एअमबि) आरो अफिस अफ पार्सनेल मे ने ज मे न्ट (अपिएम) शाटडाउननि मुलाम्फा लानानै अाइनफोरखौ नेवसिगारासिनो दड। ह्वाइट हाउसनि अएमबि गाहाइ रस वाटआ मोनसे इन्टरभिउआव 10,000 निखुइ बांसिन

गाजायाव हामासआ सरासन्त्रा सुबुंफोरखौ थांखि जागायदों

जेरुजालेम, 16 अक्टबर : गाजायाव दावहा दोन्थ'नायनि उनाव हामासआ सरासनस्त्रा सुबुंफोरखौ थांखि जागायदों। हामासनि दावहारुफोरा इजराइलनि सान्थ्रिफोरनो हेफाजाब होनायनि दायआव माखासे फिलिस्ताइनफोरखौ जिउ फोजोबदों आरो फासिबो होदों। बुधबारखालि बिब्दिनो माखासे जाथाइफोरनि खौरां मोन्दों। हामास दावहारुफोरा बेफोर बायदि जाथाइखौ रावखौबो गया लासै बयनिबो सिगाडाव खालामगासिनो दं, जाहाथे गिनानै उनाव रावबो इजराइलनि सान्थ्रिफोरखौ हेफाजाब खालामा। हामासआ समबार फुडावबो गाजा सिटिआव मोनसे हान्जानि सा 30 निखुइ बांसिन सुबुंफोरखौ जिउ फोजोबदोंमोन। आमेरिकानि आरो जार्मानीआ



गोदान दिल्ली, 16 अक्टबर : राजस्ताननि सिडाव थानाय बाइमेरनिफ्राय मोनसे गिदिर खौराड सोरंआव फैदों। बेवहाय फुंनि समाव गिखंथाव लामानि जाब्रबथाइ जादों। अदेबानि बालतराआव ट्रेलार-स्कपियआ गिखंथाव सौग्रावलायलांदों। बे जाब्रबथायाव साब्रै सुबुंफोरा गोथाडै खामफानानै जायगायावनो जिउ गोमायो। बेजों लोगोसेनो बे जाब्रबथायाव सासे लाइमोना गोब्राबै जोखोम जादों। जायखौ फाहामथाइनि थाखाय जधपुरआव रेफार

खालामनाय जायो। बबेखानि जाब्रबथाइयाव मैहुर जानांनय सुबुंफोरा सिणघरि (बालता) निफ्राय गुडमालानि (बाइमेर) फारसे थांगासिनो दंमोन। गासैबो गुडमालानिफ्राय डाभडुनि नोगोरारिफोरमोन। सुलुडाव मिबथिनो मोन्नाय बायदिब्ला, गुडमालानिनि सिडाव थानाय डाबडु गामियाव सा 5 लोगोफोरा स्कपियआव गाखोनानै सिणघरियाव फैदोंमोन? बेवहाय मोनायाव हटेलआव जाग्रा आदार जानायनि उनाव बिसोरो फैफिनगासिनो दंमोन। बे समावनो बालतारा-सिणघरि

केन्यानि आगुनि पिएम रेला अडिंगाआ भारतआव रुंसारि जाबाय



गोदान दिल्ली, 16 अक्टबर: केन्यानि आगुनि गाहाइ मन्थि रेला अडिंगाआ थांनाय बुधबारखालि भारत दावबायनाय समाव हार्ट एटेक जाना रुंसारि जायो। बिथाड 80 बोसोर जाबायमोन। केरेलानि देवमाथा देहा फाहामसालिया बिथां थैनायनि खौरां होयो, जेराव बिखौ फुंनि समाव बेहुश जानायनि उनाव लांनाय जादोंमोन। देहा फाहामसालिनि फारसेनिफ्राय बुंनाय जायोदि, अडिंगाआ हार्टटेक जायो आरो बिखौ हुशआव लाबोफिनो हायाखै। बियो किडनीजों लोगोसे माखासे गुबुन बेरामफोरजों भुगिनांदोंमोन। बियो गासै 1 सप्ताह सिगांसो अयुर्वेदिक मिरुआव सौहैदोंमोन। सुलुंनि बायदिब्ला, बियो शुक्रबारखालि केन्याआव फैफिन्नांगौमोन। गाहाइ मन्थि मदिआ एक्सआव पस्ट खालामोदि, अनजालु लोगो आरो केन्यानि आगुनि गाहाइ मन्थि रेला अडिंगानि जिउ गोमानायाव जोबोद दुखु मोन्दों। बियो सासे गेदेर राजखान्थि दैदेनगिरि जानायजों लोगोसे भारतनि सैथै लोगोबोमोन। बिथाड गुजरातनि गिबि मन्थि महरै अडिंगाजों लोगो हमनायनि खाबु मोन्दोंमोन। अडिंगाआ जॉनि हारिमु आरो गोदो गोदायनि गोथो गियान दड्मोन। बिथां अडिंगाआ बारतनि फाहामथाय नेम-खान्थि आयुर्वेदखौ बाख्यायामोन। बिथाड गावनि फिसाजोनि सावस्त्रियाव बेनि पजिटिभ गोहोमखौ नुनो मोन्दोंमोन।□



हामासनिफ्राय सरासन्त्रा सुबुंफोरनि हेंथायै हिंसाखौ होबथानो थाखाय बुंदोंमोन। आमेरिकानि सान्थ्रिनि मिडिल कामाननि गाहाइ एडमिरल ब्रेड कापुरआ बुंदोंदि, गोर्जोन बिथांखिनि बायदिब्ला, हामासआ गावसिनि हाथियाखौ नागारांगां गो आरो गाजानि

खुंथाइखौ नागारनो फोसावनंगो। बबेखानि इजराइलनि रैखाथि मन्थिया बुधबारखालि हुमखि होदोंदि, जुदि हामासआ आमेरिकानि दावहा दोन्थ'नायनि सर्तखौ मान होयाब्ला दावहाया फिन जागायफिनगोन। मिबथि होनाय जायोदि, हामासआ गाजानि

सिलिखार जानाय सहरफोरव गावसिनि जायगा आवग्रिनो नागिरदों, नाथाय इजराइल आरो जुथाइ राज्ज्यो आमेरिकाया बे बाथ्रानि सायाव गोसो होदोंदि, बे ओन्सोलनि सरकारआव बे हान्जानि जेबो बिफाव थानाय नडा।□

माहाम देहानि राहा

स्वादखौ बांहोगा आचारआ देहानि
थाखाय खैफोद गोनां जानो हागौ

गुबुन जाग्रा आदारजों लोगोसे आचार मोनफायोब्ला जाग्रा आदारनि स्वादआ आरोबाव बाडो। आचारखौबो गोबां फिथाइफोर आरो मैंग-थाइगंजों बानायनाय जायो, जेरै थाइजौ, गाजर, लिबु, आम्लाय बायदि। बेनि गोखै स्वादन जाहोनाव जौ बेयाव गोबां मोजां मोनो। बेखौ गोबां जानायजों माखासे देहाजों सोमोन्दो गोनां जेनाफोरबो जानो हागौ।

1. आचार बानायनायाव गोबां बिबांनि संक्रिखौ बाहायनाय जायो, जायनि जाहोनाव बेनि सडियामनि बिबाडा गोबां जायो। सडियामखौ गोबां जानायनि जाहोनाव ब्लाड प्रेशार बांनयनि जेनाबो जानो हागौ। आचारखौ फोराननाय आरो बानायनाय समाव गोबां संखिखौ बाहायनाय जायो। माब्लाबा-माब्लाबा आचार जानायजों जेबो जेना जाया, नाथाय बेखौ बांसिनै जानायजों ब्लाड प्रेशारआ बांनो हागौ, जाय बिखानि बेरामफोरनि जाहोनबो जायो।

2. आचार बानायनायाव संखिजों लोगोसे थावखौबो गोबां बिबाडाव बाहायनाय जायो। थावआ आचारखौ सिदोमा जानायनिफ्राय



होबथायो, जायनि जाहोनाव बेयो गात्रि जाया। बेजों लोगोसेनो बेयो प्रिजारेभेतिभ बायदि खामानिबो मावो। बांद्राय थावनि जाहोनाव कलेस्टूलआ बांनो हागौ। बेजों गुड कलेस्टूलनि बिबाडाबो बाडय जायो, जाय नोंथानि बिखानि थाखाय खैफोद गोनां जायो। बेनि जाहोनाव गोबां हाट डिजिज जानो हागौ आरो लिभारआवबो गोहोम गोरलैयो।

3. आचाराव गोबां संखि होनायनि जाहोनाव सडियामनि बिबाडा गोबां जायो। बेनि जाहोनाव किडनीनि वार्कल'डआ बाडो। जाग्रा आदाराव गोबां सडियाम गोनां मुवाखौ हाबायोब्ला किडनीआव बांसिन नारसिनथाय होयो, जायनि जाहोनाव किडनीजों सोमोन्दो गोनां बेरामफोर जानो हागौ। बेनि जाहोनाव गोबां जेनाफोर जायो।

4. जाग्रा आदाराव गोबां सडियाम थानायजों उदैयाव केन्सार जानायनि सन्देहआबो बाडो। बेनि जाहोनाव उदैआव आल्सार जानायनि सन्देहआबो थायो, जाय इयुनआवे केन्सारनि महरबो लायो।

5. आचारखौ बानायनो थाखाय जाय फिथाइ एबा मैंगखौ बाहायो, बेखौ सान्दु'आव माखासे सानसिम फोराननाय जायो। मानोना बे फिथाइ एबा मैंग'आव दै थायोब्ला आचारआ गात्रि जायो। सान्दु'आव फोराननाय समाव बे फिथाइ एबा मैंग'नि गासैबो गुनफोरा जोबलाडो।

6. गोबां आचार जानायजों देहानि इलेक्ट्रलाइटसखौ सामलायनो हानायव जेना गोनां जायो। गोबां सडियाम थानायनि जाहोनाव बे जेनाया जायो। बेनि जाहोनाव मोदोम बेदरफोराव क्रेम्पिनि जेनायाबो जानो हागौ।

'वान बेटल आफ्टार एनादार' सावथुनआ बक्स अफिसआव मोजां पारफर्म खालामनो हायाखै

अस्कार बान्था देरहागिरि फावखुंगुर लियनार्ड डिकेप्रिय आरो बिथोनगिरि पल तमस एन्डारसननि लेटेस्ट सावथुन 'वान बेटल आफ्टार एनादार' आ बक्स अफिसआव गात्रि रोखोमै जुजिगासिनो दड। बे सावथुनखौ बोसोरनि बेस्ट एक्सन सावथुन होन्नानै मिबथि होनाय जादोंब्लाबो नाथाय बक्स अफिसआव बेयो गावसिनि सान्नायबादि पारफर्म खालामनो हायाखै। सुलुनि बायदिब्ला, वर्नर ब्रादास स्टुडिअआ बे सावथुनजों थिएट्रिकल रनआव गासै 10 कौटि डलार एबा 880 कौटि रां खहा जादों। 26 सेप्टेम्बर 2025 आव रिलिज जानाय बे एक्सन थ्रिलर सावथुनखौ क्रि टिक्सफोरा जोबोद बाख्यायदों आरो बे बोसोरनि साबसिन



सावथुनफोरनि गेजेराव मोनसे होन्ना गनायदों। बबेखानि नायगिरिफोरनि गात्रि कमेन्ट होनाया बे सावथुनखौ रांखास्थि बिथिडव जाफुंसार होयाखै। आथिखालाव सावथुना मुलुगनां हादतआव 14 कौटि रां आरजिबाय। अदेबानि ब्रेक-इभेन्ट पइन्टसिम सौहैनो थाखाय

बेयो 30 कौटि डलारनि गोनांथि दंबावो। वर्नर ब्रादास'आ बे सावथुनखौ बानायनायाव 13 कौटि डलारनिखुइ बांसिन रां खहा खालामदों, अदेबानि प्रमसन आरो मार्केटि'आव 7 कौटि डलार बाहायदों। बे बायदिनो स्टुडिअनि गासै खरसाया 20 कौटि डलारनिखुइ

एश्वर्या रायआ मिस वर्ल्डनि बिमुं देरहानो थाखाय मोनसे ब्लकबास्टर सावथुनखौ नेवसिदोंमोन

एश्वर्या राय बच्चनखौ हिन्दी सावथुननि मुंदांखा फावखुंग्रि महरै मिबथिनो मोन्नाय जायो। फावखुंग्रि जानायनि सिगां बिथाडा सासे मडेलारमोन, जाय 1994 आव बिथाडा मिस वर्ल्डनि बिमुं देरहानानै हादतनि मुंखौ गोग्गा होदोंमोन। मिस वर्ल्ड जानायनि



समावनो एश्वर्याआ 90थि जौथायनि मोनसे ब्लकबास्टर सावथुननि अफार मोन्दोंमोन। नाथाय इन्टारनेसनेल बिउटि कन्टेस्टखौ गोसो होनायनि थाखाय एश्वर्याआ बे सावथुननि अभारखौ नेवसिगारदोंमोन। जायनि उनाव बे सावथुना गुबुन सासे फावखुंग्रिनि आखायाव थाडो आरो बे फावखुंग्रिनि खाफालआ सोलायो। बियो एश्वर्यानिखुइबो देरसिन सुपारस्टर जायो। मडेलार एश्वर्या रायनि केरियारआ जोबोद हाइलाइटमोन। बबेखानि मिस वर्ल्डनि बिमुं देरहानायनि उनाव आरो बेनि सिगांबो बिथाडा माखासे सावथुनफोरनि अभार मोन्दोंमोन, नाथाय गासिखौबो मोनसे साइडआव दोन्नानै बिथाडा थि समाव एक्टि'आव डेब्यु खालामदों। जाय सावथुनखौ एश्वर्याआ नेवसिदोंमोन बेयाव बिथोनगिरि राजिब रायनि 'महरा' सावथुनाबो दडमोन। आइएमडिबिनि रिपर्टनि

बायदिब्ला, 1994 आव फैनाय अक्षय कुमार आरो सुनिल शेट्टिनि बे सावथुनखौ एश्वर्या रायनो अफार होदोंमोन। नाथाय मिस वर्ल्ड बादायलायनायाव बाहागो लानो थाखाय बिथाडा बे सावथुनखौ नेवसिगारदों आरो उनाव बे सावथुना फावखुंग्रि रबिना टन्डननि आखायाव थांदों। मख'नो गोनांदि, महरा सावथुना रबिनानि एक्टि' केरियारनि थाखाय माइल खुन्थिया जादों आरो बे सावथुननि जाफुंसारनायनि उनाव बिथाडा इन्डास्ट्रीआव स्टर जानो हादों। महरा सावथुना बै बोसोराव बयनिखुइबो जाफुंसारनाय सावथुनफोरनि गेजेराव मोनसे जादों।

मुंदांखा इन्टारनेसनेल स्पाइ मिउजिसियामआव एक था टाइगर सावथुना जर'खा जायगा मोन्दों



गुबुन हादतआव बेरायनाय समाव जुदि भारतनि मोनसे नुथाय नुनो मोनो, अब्ला गोसोखौ गोग्गानाय मोनो। बावैसो सिगां मुंदांखा बिथोनगिरि कबिर खानआ बे गोग्गानायखौ मोन्दांथिदों। बबेखानि आमेरिकानि रजथावनि वाशिंगटन डिसियाव

थानाय मुंदांखा इन्टारनेसनेल स्पाइ मिउजियामआव सलमान खान आरो केटरिना केफनि ब्लकबास्टर सावथुन एक था टाइगरआ बेयाव जर'खा जायगा मोन्दोंमोन। बेयाव संगालि सावथुनफोर आरो सिरिजखौ डेडिकेटेड खालामजानाय मोनसे सेक्सन दड, जेराव गासै

मुलुगनि आइकनिक टाइटेल्फोरखौबो नुनो मोनो। बेयाव केसिन रायल, मिशन इम्पसिबल आरो मि. एन्ड मिसेज स्मिथ बायदि हलिउड सावथुनफोरजों लोगोसे मोनसेल' हिन्दी सावथुन एक था टाइगरआबो दंफायो। बे इन्टारनेसनेल अनारनि सायाव

सावथुननि बिथोनगिरि कबिर खानआ बुडो, 'आनो बेनि सोमोन्दै सासे सुबुडा मेसेज खालामनानै मिबथि होदों। बियो बुंदेंदि, बेयाव एक था टाइगरनि पस्टर लागायनाय दड आरो बे मोनसेल' सावथुन दड। बेखौ खोनानानै आंबो जोबोद खुसि जादोंमोन। सलमान खान आरो केटरिनानि महरखौ बेयाव नुनानै जोबोद गोग्गानाय मोन्दोंमोन।' बेयो यशराज फिल्मसनि स्पाइभर्स इडनिभार्सनि गिबि सावथुनमोन आरो बेनि जाहोनखौ बेनि गोहोमआ बांदों। मिबथि होनाय जायोदि, डिसिनि इन्टारनेसनेल स्पाइ मिउजियामआ 2002 आव जागायदोंमोन आरो 2019 आव बेनिफ्राय देरसिन आरो मर्दान बिल्डि'आव शिफ्ट खालामदोंमोन।

सनाक्षि सिन्हानि फिसाइ जाहिर इकवालआ बिसिनि प्रेगनेन्सिनि सायाव रिएक्ट खालामदों

जुलिनि उननिफ्रायनो सनाक्षि सिन्हानि प्रे गनेन्सिनि खौरांआ जेब्लायबो गोसारबाय थादों। गोबां खेब सुबु'फोरा सावरायदोंब्लाबो जे बिथाडा बिमा जासिगोन। नाथाय बिथाडा बे बाथ्राखौ जेब्लायबो जंखायनाय स्टाइलआव नेवसिगारबाय थादों। बावैसो खनसेबाव सनाक्षिनि प्रे गनेन्सिनि खौरांआ गोसारबावदों। बबेखानि सनाक्षि सिन्हाआ बावैसो सिगां गावनि फिसाइ जाहिर इकबालजों मोनसे पार्टीआव बाहागो लाहदों। बे समाव फावखुंग्रिया गोजा गाबनि आनारकलि सुट गान्दोंमोन



आरो बिथानि फिसाइखौ गोसोम आरो गुफुर ट्रेडिशनल लुकआव नुनो मोन्दोंमोन। पेप्सोन पज होनाय समाव लुस ड्रेसआव सनाक्षि सिन्हाया फास्त्राजों गावनि उदैखौ

खोबथेनाय नुनो मोन्दोंमोन, जायनि उनाव माखासे सुबु'फोरा सान्दोंमोनदि, बिथाडा बिमा जासिगोन। बबेखानि दा जाहिरआ गावनि बिसिनि प्रेगनेन्सिनि सायाव

रिएक्ट खालामदों। सनाक्षि आरो जाहिरजों लोगोसे सहेल खान आरो आरबाज खाननि फिसाज्ला निर्भाण आरो अरहान खानआबो दंफायोमोन। पेप्सोन पज

होनाय समाव जाहिर इकबालआ जंखायनाय स्टाइलआव सनाक्षि सिन्हानि उदैयाव आखाय दोन्नानै पज होनो नाजादोंमोन, जायखौ फावखुंग्रिया गोमोहाबो आरो हसिखावनानै बिथांखौ बुनो हमो। बेनि उनाव जाहिरआ बुडो, बिथाडा जंखायदोंसोमोन। जाहिर इकबालनि बे प्रे'क खालामनायखौ नुनानै माखासे सुबु'फोरा मिनिदों आरो माखासे फोरा सान्दोंदि, बिथाडा ईगित होदों, जे फावखुंग्रिया बिमा जासिगोन। मख'नो गोनांदि, दासिमबो बे ज'राया बेनि बागै गुवारै फोरमायाखै।



फावखुंगुर गबिन्दाआ 80 आरो 90 जौथाइनि टप फावखुंगुरफोरनि मादाव सासेमोन। मोनसे समाव बिथाडा खनसेयै मोन 4-5 सावथुनफोर शूट खालामोमोन। अदेबानि दुइंकल खान्नाया फोरमायदोंदि, सानसेखालि बिथाडा खनसेनो मोन 14 सावथुनफोरनि शूटि खालामदोंमोन। बबेखानि गबिन्दा आरो चंकि पान्डेआ दुइंकल खान्नानि शेट स्व'आव फैदोंमोन, जेराव बिसोरो माखासे मुजिथावना बाथ्राफोर सावरायदों। बे समावनो गबिन्दाया शेटआव लेट फैनायनि थाखाय गावखौ बदनामबो खालामदोंमोन जे आं टाइमआव सफैया। आं बुंदों, सोरनि सिडव बिब्दि गोहो दं। मोन 5 शिफ्ट मावनानै समआवनो सफैनो हानाय। मिबथि होनाय जायोदि, गबिन्दाआ थांनाय माखासे समनिफ्रायनो सावथुनफोरनि जानगाराव थादों। 2019 माइथायाव बिथाडा रंगिला राजा सावथुनआव फाव खालामदोंमोन।

मुंदांखा फावखुंगुर पंकज धिरआ रुंसारि जाबाय



मुंदांखा फावखुंगुर पंकज धिरनि हरखाबै जिउ गोमानाया गावनि नख'र आरो अन्साइगिरिफोरखौ दुखुनि फाख'नाव गोरलैहोदों। फावखुंगुरआ गोबाव समनिफ्रायनो केन्सार बेरामजों जुजिगासिनो दंमोन आरो 15 अक्टबरखालि बिथाडा 68 बोसोर बैसोयाव जोबथा हां बोयो। बिथानि जोबथा बिदायआ मोनाबिलि 4.30 रिगासोयाव मुन्बाइनि सान्ताक्रुज नोगोरनि बायजोआव थानाय जायगा पवन हन्स गोथैसालियाव लांदों। बबेखानि, माखासे महरगिरिफोरा बिथांखौ जोबथा बिदाय होनानै बिबार बाडहरदों। पंकज धिरनि जोबथा बिदायनि माखासे भिडिअफोरा समाजयारि बिजोंआव भाइरेल जागासिनो दं। बलिउडनि भाइजान सलमान खान आरो पंकज धिरनि फिसाज्ला निकितनि धिरनि जर'खा लोगो सलमान खानआ बे दुखुनि समाव बिथानि न'खरआव थांनानै बाहागो लाहैफादोंमोन। अदेबानि सिद्धार्थ मल्हत्राखौबो बेवहाय नुजाहैनाय नुनो मोन्दों। बेनि अनगायै पुनित इस्रार, हेमा मालिनी, मिकां सिंह आरो मुकेश ऋषिआबो बेवहाय दंहेयोमोन। मिबथि होनाय जायोदि, बे समाव निकितनि धिरखौ जोबोद दुखुआव नुनो मोन्दों आरो सलमान खानजोंबो गोबालायदों। मोनसे सावगारियाव बिथांखौ गावनि बिमाखौ गोबानानै गोहो होनाय नुनो मोन्दों। बिफानि नागारलानायनि दुखुखौ निकितनि नि मेगनाव रोखायै नुनो मोन्दों। बबेखानि बे समाव फावखुंगुर कुशाल टन्डनआ सुबु'फोरनि नोजोरखौ बोनो हादों। बिथाडा मुंदांखा फावखुंगुरनि गोथै देहाखौ निकितनिजों लोगोसे फाफिलयाव बानफादों आरो बिथांखौ बयनिखुइ सिगांसिन गसंनाय नुनो मोन्दों। गावनि आइकनिक टेलिभिजन फावनि अनगायै, पंकज धिरआ बादशाह, जमिन, तुमको ना भुल पाएंगे सावथुनजों लोगोसे माखासे हिन्दी टिभि स्व'फोरावबो खामानि मावदोंमोन। पान्जाब हादतनि नोगोरारि पंकज धिरआ 1980 माइथायाव माखासे सावथुनफोराव फिसा-फिसा बिफावजों लोगोसे एक्टिनि केरियारखौ जागायदोंमोन।

दुइंकल खान्नानि शेट स्व'आव गबिन्दा आरो चंकि पान्डेआ माखासे मुजिथावना बाथ्राफोर सावरायदों



फावखुंगुर गबिन्दाआ 80 आरो 90 जौथाइनि टप फावखुंगुरफोरनि मादाव सासेमोन। मोनसे समाव बिथाडा खनसेयै मोन 4-5 सावथुनफोर शूट खालामोमोन। अदेबानि दुइंकल खान्नाया फोरमायदोंदि, सानसेखालि बिथाडा खनसेनो मोन 14 सावथुनफोरनि शूटि खालामदोंमोन। बबेखानि गबिन्दा आरो चंकि पान्डेआ दुइंकल खान्नानि शेट स्व'आव फैदोंमोन, जेराव बिसोरो माखासे मुजिथावना बाथ्राफोर सावरायदों। बे समावनो गबिन्दाया शेटआव लेट फैनायनि थाखाय गावखौ बदनामबो खालामदोंमोन जे आं टाइमआव सफैया। आं बुंदों, सोरनि सिडव बिब्दि गोहो दं। मोन 5 शिफ्ट मावनानै समआवनो सफैनो हानाय। मिबथि होनाय जायोदि, गबिन्दाआ थांनाय माखासे समनिफ्रायनो सावथुनफोरनि जानगाराव थादों। 2019 माइथायाव बिथाडा रंगिला राजा सावथुनआव फाव खालामदोंमोन।

बांसिन जादों। बबेखानि जेनाया बेनोदि, टिकेट फान्नायनिफ्राय मुलाम्फा जानाय रांखौ थिएटर अपारेटरफोर आरो स्टुडिअनि गेजेराव 50-50 रान्नांगौ जायो। बेनिखायनो स्टुडिअआ खमसिन मोनो। सावथुनाव डिकेप्रियनि अनगायै अस्कार बान्था देरहागिरि शान पेन, बेनिसिय डेल टर', रेजिना हल, टेयाना टेलर आरो चैस इनफिनिटिआबो गाहाइ बिफाव होदों।

भारतनि आइजो फुटबल हान्जाआ इरान आरो नेपालजों बादायनो साखा-फारा

गोदान दिल्ली, 16 अक्टुबर: भारतनि सिनियर आइजोफोरनि हान्जाआ फै गौ दानआव मेघालयानि राजथारविन शिलंआव इरान आरो नेपालनि हेंथायै खेबनै हारिमायारि लोगोयारि मेचआव सेलेन्ज होज्लायगोन। भारतआ गावसोरनि एफफिसि अमेन्स एसियान काप 2026 नि थियारियारिनि बाहागोदारि महरै बे खेबनै मेचआव गावसोरनि गोरोन्थिफोरखौ सुद्रायनो नाजागोन। मुलुगनां रेंकिंआव 63 मासिआव जायगा मोन्नाय भारतआ 70 थि मासिआव जायगा मोन्नाय इराननि हेंथायै 21 अक्टुबर आरो 89 मासिआव जायगा मोन्नाय नेपालनि हेंथायै 27 अक्टुबरखालि जवाहरलाल नेहरु स्टेडियामआव बादायगोन। बे मेचनि अनगायै इराननि हान्जाआ बे थावनिआवनो नेपालनि हेंथायै 24 अक्टुबरखालि बादायलायगोन। अल इन्डिया



फुटबल फेडरेसननिफ्राय बे मेचखौ भारतनि 2026 एसियान कापनि थाखाय क्वालिफिकेसन मोन्नायनि जर'खा बाहागो जागोन होन्ना फोरमायदों। जेराव भारतनि हान्जाआ बे क्वालिफिकेसनखौ जारिमिनारि महरै शांमाइआव जालांनाय मेचआव थाइलेन्डखौ थांनाय जुलाइ दानआव फेजेन्नानै मोनफु'नो हादों। बेबादि थासारिआव गेलेनो गोनां बे खेबनै मेचआ जानो गोनां कन्टिनेन्टेल दुर्नामेन्टनि थाखाय थियारिआव साबसिनै हेफाजाब

खालामगोन होन्ना फोरमायो। मख'नाय जायोदि, इराननि हान्जायाबो गासै मोन 12 हान्जानि एसियान कापआव गावसोरनि मासिखौ लानो हादों। बेराफासै नेपालआ पेनाल्टि शुटआउटआव उज्बेकिस्ताननि हेंथायै जेन्नायजों क्वालिफाइ जानाय लामायावनो दुखुनांथावै जायखारनांदों। मख'नाय जायोदि, शिलंआ नैथि खेब महरै भारतीय आइजोफोरनि माहारियारि हान्जानि जानानै हारिमायारि थाखोनि मेच बान्जायगोन। जेराव बेनि सिगां

25 बोसोर बैसोआवनो अस्ट्रेलियानि अलिम्पिक सेम्पियन एरियान टिटमासआ आजिरा लाबाय

ब्रिस्बेन, 16 अक्टुबर: अलिम्पिक सेम्पियन एरियान टिटमासआ सान्स्त्रिनायनि फोथारनिफ्राय आजिरा फोसावबाय। बिथांनि हरखाबै बेबादि थिरांथा लानाया अस्ट्रेलियानि गेलेमु फोथारआव सोमोनाय लाबोदों। अस्ट्रेलियानि खेबबै अलिम्पिकआव सनानि मेडेल देरहानाय 25 बोसोरनि टिटमासआ थांनाय बोसोराव पेरिस अलिम्पिक गेम्सनि उनाव ब्रेक लादोंमोन। जायनि उनाव अन्सायगिरिफोरा 2028 आव खुंजानो गोनां लज एन्जिल्स अलिम्पिकआव बाहागो असियालै थाबैनो थियारिआव ओ'खारिफि नगोनखनै



मिजिंथिदोंब्लाबो बेनि उल्थायै खौरांखौ मोन्दों। जायनि जाउनाव अन्सायगिरिफोरजों लोगोसे गेलेमुनि फोथारआव सोमोनाय फैदों। बिथाडा गावनि इनस्टाग्राम पस्टनि गेजेरजों मोनसे भिडिअ क्लिबनि गेजेरजों गावनि थिरांथाखौ फोरमायदों। बे समाव बिथाडा

फोरमायनानै बेनि थाखाय गावनि थिरांथाखौ फोरमायो। थांनाय बोसोरनि पेरिस अलिम्पिकआव टिटमासआ 400 मिटार फ्रीस्टाइलआव आमेरिकानि केटि लेडेकी आरो कानाडानि सामार मेकिन्सिखौ उनाव लाखिनो हादों। जेराव बिथाडा बे गेम्सआव गोदान वर्ल्ड रेकर्डजों गावनि बिमुंखौ रैखाथि होदों। टिटमासनि मुखाव 200 मिटार फ्रीस्टाइलआव वर्ल्ड रेकर्ड जानानै दड। बिथाडा आजिरा लानायसिमआव गं 33 हारिमायारि मेडेल देरहानाय फारिआव गं'बै अलिम्पिक सनानि मेडेल, गंधाम रुफा आरो गंसे ब्रन्ज मेडेल देरहानो हादों।

पाकिस्तानजों इ गेलेनायनि उनाव भारतआ जेन्नायजों मोगा-मोगि जानांदों

गोदान दिल्ली, 16 अक्टुबर: भारतनि हौवाफोरनि हकी हान्जाआ पाकिस्ताननि हेंथायै इ गेलेनायनि उनाव अस्ट्रेलियानि हेंथायै जेन्नायजों मोगा-मोगि जानांदों। भारतनि जुनियर हान्जाआ मालएसियानि जहरआव गेलेनाय सुल्तान जहर कापआव गिबियै जेन्नांबाय। भारतआ पुलनि मेचआव अस्ट्रेलियानि हेंथायै 2-4 गलआव जेन्नांदों। जेराव हान्जानि थाखाय केप्टेन रहितआ 22 मिनिटआव आरो अर्शदीप सिंहआ 60 मिनिटआव गल सोदोंब्लाबो गुबुन गेलेगिरिफोरनि मदद मोनाखै।

बेराफासै अस्ट्रेलियानि थाखाय अस्कार स्पाउलआ 39 आरो 42 मिनिट, एन्ड्रु पेट्रिक 40 मिनिट आरो केप्टेन डाइलन डाउलीआ 51 मिनिटआव गल सोदों। भारतआ बे कापआव खेबबै मेचआव 7 पइन्टजों नैथिआव दड। बे फारिआव भारतआ खेबनै देरहानाय खेबसे इ आरो खेबसे जेन्नायजों मोगा-मोगि जानांबाय। बेराफासै अस्ट्रेलियाआ खेबबै मेचआव 10 पइन्टजों पइन्ट फारिलाइआव बयनिबो सिगाडाव जायगा मोन्दों। बे हान्जाआ गेलेनाय गासै मेचआव खेबथाम देरहाबाय आरो खेबसेआ



इआव थुंगेदों। बे खेबआव भारतआ 17 अक्टुबरखालि मालएसियाजों सेलेन्जआव ओंखारगोन। बेनि सानसे सिगां भारतआ पाकिस्ताननि हेंथायै 3-3 गलआव इ गेलेदों। मख'नाय जायोदि, पेहेलगामआव उतखारि

गाग्लोबनायनि उनाव भारत-पाकिस्ताननि गेजेराव क्रिकेटनि फोथारआव फोसावनाय न'हेन्सेक पलिसिखौ हकीनि कर्टआव फोजोबनाय जाबाय। जेराव बे मोननै हान्जानि गेलेगिरिफोरा थांनाय मेचआव आखाइ हमज्जालयदों।

आइसिसि वन्डे रेंकिंआव भारतआ गिबि मासिआव

गोदान दिल्ली, 16 अक्टुबर: भारत आरो अस्ट्रेलियानि क्रिकेट हान्जानि गेजेराव बादायलायनो फिन जान्जि खाफ्रादों। गोलाव समनि उनाव शुभमन गिलनि केप्टेनआव बादायनो थाखाय भारतनि हान्जाआ अस्ट्रेलियानि पर्थआव सौहैबाय। जेराव भारतआ बान्जायगिरिनि हेंथायै वन्डे सिरिजनि गिबि मेच गेलेगोन। 19 अक्टुबरखालि

गेलेनो गोनां बे मेचनि सिगांनो आइसिसिनिफ्राय हान्जानि गोदान रेंकिं फोसावदों। जेराव भारतआ मोजां रेंकिं आरो रेटि मोन्दों। भारतनि हान्जाआ बे फोसावनाय फारिलाइआव 124 रेटिजों नम्बर 1 मासिआव थादों। जेराव भारतआ सोलिफु बोसोरनि जागायनायाव सेम्पियन्स ट्रफीनि फाइनाल गेलेदोंमोन। नाथाय बेनि उनाव

माखासे वन्डे मेचआव बाहागो जायाखै। अब्लाबो भारतनि बाहागो जायैआ हान्जानि रेंकिंआव गोहोम खोखलैयाखै। अस्ट्रेलियानि हान्जाआ बे फारिलाइआव थामथि मासिआव जायगा मोन्दों। बे हान्जाआ रेटि 106 जों थामथि नम्बरआव जायगा मोन्नायनि सिगां 109 रेटिजों निउजिलेन्डआ नैथिआव थादों। पइन्टनि बिथिडाव नोजोर



होयोब्ला भारतनि रेटिखौ सोलिफु समाव मोनबो हान्जाया गोलैयैनो उनाव लाखिनो हानाय नड। नाथाय अस्ट्रेलियाआ खेबथाम मेचनि वन्डे सिरिजआव देरहायोब्ला निउजिलेन्डखौ गाख्खालयनानै नैथि मासिआव सौहैगोन। नाथाय बेयाव अस्ट्रेलियाआ जेनोब्ला आरोबाव

एसियान टेबल टेनिस सेम्पियनसिपआव चीनआ मिजिंथिनि ट्रैक्टजों सोलिनो हादों

गोदान दिल्ली, 16 अक्टुबर: चीनआ एसियान टेबल टेनिसआव गावसोरनि मोजां फर्मखौ लाखिनो हानायजों हौवाफोर आरो आइजोफोरनि केटेगरिआव बिमुं देरहाबाय। हौवाफोरनि हान्जाया हंकंखौ 3-0 स्करआव आरो आइजोफोरनि हान्जाया जापानखौ 3-0 स्करआव फेजेन्नानै बिमुंखौ देरहादों। आइजो केटेगरिआव गिबि बादायनायाव मुलुगनि नम्बर 2 थाखोनि गेलेगिरि वां



मइनुआ 11 थि रेंकिं बाली हनकाखौ 12-10, 11-3, 11-6, 11-3 स्करआव फेजेन्दों। बेनि उननि मेचआव सुन यांआ मिबा हरिमतखौ

स्करआव फेजेन्दों। हौवाफोरनि फाइनालआव मुलुगनि नम्बर 1 लीन सिदंआ सुन टिंखौ 11-8, 11-4, 11-4 स्करआव फेजेन्नानै चीनखौ आवगायहोजेन्नाय उनाव नैथि नम्बरनि वां सु किनआ सान बाल्दबिनखौ 12-10, 11-9, 5-11, 14-12 स्करआव फेजेन्दों आरो जोबथा बादायनायाव यांआ यु कबानखौ 13-11, 11-6, 12-10 स्करआव फेजेन्नो हादों।

नर्थ-इस्ट इउनाइटेड एफसिआ 3 बोसोरनि थारवाय मेघालया सरकारजों रादाइआव फैदों

शिलं, 16 अक्टुबर: मेघालया सरकारआ इन्डियान सुपार लीगनि क्लब नर्थ-इस्ट इउनाइटेड एफसिजों 3 बोसोरनि रादाइ बादियै मेमरेन्डम अफ आन्डारस्टेन्डिं खालामदों, थामहिनबा मेघालया सरकारआ फुटबलनि जौगाखानाय लाबोनो आरो शिलंखौ भारतनि जाखांफुनाय फुटबलनि मिरु खालामनयनि थांखिजों बे रादाइखौ खालामदों। बे रादाइआ



मावलांगोन। बे मुंसाइखौ नर्थ-इस्ट इउनाइटेड एफसिनि थान्दै आरो राइज्यो सरकारनि सोमोन्दोयारि बिफाननिफ्राय शिलंआव खालामनाय जादों। बे रादाइनि थांखि बादियै फारसैथिनिफ्राय जुथायै फुटबल ट्रेनिनि मावबादा, कर्चिनि हाबाफारि, अन्सायगिरिफोरनि पार्क आरो गाहाय थाखोआव

फुटबलनि हारिमुखौ लाखिनो आरो लाइमोनफोरनि गेजेराव रेंगथिखौ सदान्नायनि सायाव हाबा मावगोन। बेनि सायाव राइज्योनि गिबि मन्थि कनराड के सांमाआ गोजोन्नाय फोरमायदों आरो सरकारनि बे मुंसाइनायखौ मोनसे माइल खुन्थियासिम सौहैनाय फोरमायो आरो बेनिफ्राय

राइज्योनि मिरुआव गेलेमुनि हाब जागोन होनना फोरमायो। लोगोसे बेबादि मुंसाइनायनाया लाइमोनफोरनि गेजेराव गोदान जावरिखांनाय लाबोनायजों लोगोसे दावबाय बिथिडाव जौगाखानाय आरो राइज्योनि गेजेराव साखिनि खाबुखौ बांहोगोन होन्ना फोरमायदों।

जानो गोनां कमनवेल्थ गेम्स 2030 खौ भारतआव बान्जायनाया रोखा जाबाय

गोदान दिल्ली, 16 अक्टुबर: कमनवेल्थ गेम्सनि एक्जिकुटिउथि गुपआ कमनवेल्थ गेम्स 2030 खौ बान्जायनायनि आर'जलाइयाव आहमेदाबादिनि मुंखौ मख'दों। जेराव बेनि सायाव फैगौ 26 नभेम्बरखालि सरसान्सा जथुमनि गेजेरजों जोबथा थिरांथा लानाय जागोन। भारतआ नाइजेरियाजों लोगोसे बेखौ बान्जायनाय फारिआव सेलेन्स मोन्दों। नाथाय कमनवेल्थ गेम्सआ बांसिनै भारतखौ बान्जायनो गनायथि होगोननि सायाव बाश्त्रा जुदों। लोगोसे 2034 आव खुंजानो गोनां गेम्सनि सायावबो



खुंफुंरा आफादआ माखासे नायबिजिनो थिरांथा लादों। कमनवेल्थ गेम्सआव फोसावलाइनि गेजेरजों 2030 आव खुंजानो गोनां गेम्सनि आर'जलाइआव भारतनि बान्जायगिरि सहर आहमेदाबादिनि मुंखौ मख'दों। जेराव बेनि गेजेरजों कमनवेल्थ गेम्सखौ बान्जायनो मोन्नायनि मोन्थायखौ जथुमनि गेजेरजों थिरांथा लागोन होन्ना फोरमायो। मख'नाय जायोदि, भारतआ 2010 नि सिजनआव कमनवेल्थ गेम्सखौ बान्जायनो थाखाय गोदान दिल्लीखौ सायख'दोंमोन। भारतनि कमनवेल्थ गेम्सनि एस'सिएसननि आफादगिरि पिटि उषाआ आहमेदाबादखौ

बान्जायनो थाखाय आर'जलाइआव मख'नायखौ माननि बाश्त्रा फोरमायदों। जेराव बे सहरखौ सायख'नाया भारत जौगानायाव गोनांथार बिफाव लागोन होन्ना फोरमायनायजों लोगोसे 2047 सिमआव दरसे जौगासारनाय हादर जानायाव बिहोमा होगोन होन्ना फोरमायो आरो 2030 नि गेम्सनिफ्राय लाइमोनफोरनि गोसोआव थुलुंगा फैगोनखौ मिजिंथिदों आरो बेनिफ्राय हारिमायारि थाखोआव हादरनि गोबां लाइमोनफोरनि आवगायलांनो लामा मोनगोनखौ मिजिंथिदों।

नर्वे चेसनि सायाव खुंफुंवा आफादआ मारवासे गोदान नेमरवान्थिफोरखौ फोसावदों

अस्ल', 16 अक्टुबर: नर्वे चेसखौ बान्जायग्रा आफादआ चेस वर्ल्ड सेम्पियनसिप टुरनि मोनथाम फर्मेट फारियै फास्ट क्लासिक, रेपिड आरो ब्लिट्ज चेसआव सासे जुथाय सेम्पियन थागोन होन्ना फोरमायदों। नर्वे चेसनि सिइअ

खुंनाय जागोन आरो गासै चेस वर्ल्ड सेम्पियनसिप टुरनि मोनथाम फर्मेट फारियै फास्ट क्लासिक, रेपिड आरो ब्लिट्ज चेसआव सासे जुथाय सेम्पियन थागोन होन्ना फोरमायदों। नर्वे चेसनि सिइअ



केजेल मेडलेन्डआ खौरांगिरिनि मोगा-मोगिआव फोरमायनाय बादिब्ला, दुर्नामेन्टनि थाखाय इन्टारनेसनेल चेस फेडरेसन (फिडे) जों मोनसे गोरोबलायनाय रादाइआव मुंसाइनाय जाबाय। जेराव बे दुर्नामेन्टआ 2027 निफ्राय बोसोरफ्रोमबो खुंजागोन होन्ना फोरमायो। बिथाडा टटेल चेस वर्ल्ड सेम्पियनसिप टुरखौ आबुं चेस केलेन्डारनि गेजेराव मोनसे जर'खा इभेन्ट जागोन फोरमायदों। जेराव क्लासिकल फर्मेटआव खुंजानो गोनां वर्ल्ड सेम्पियनसिप आरो टटेल चेस वर्ल्ड सेम्पियनसिप टुरआ आगानसेयैनो एबा जुथायैनो सोलिगोन होन्ना फोरमायनानै बेनि थाखाय फिडेनिफ्राय गनायथिबो मोनबाय होन्ना रोखा खालामो।